



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

მაისი
სივანი
№5 (441)
(5778)
2018

“מנורה”
עיתון יהודי
בגוריה

20-21 მაისი

შაბუყოთის დღესასწაული,

חגי שבועות חיים

მრავალს დაესწარით!

რაბი ბარუხი მეჯიბოჯიდან ამბობდა, რომ შაბუყოთის უფრო უნდა გვეშინოდეს ვიდრე რომ-ჰა-შანის. რომ-ჰა-შანაში წყდება ადამიანის მატერიალური მდგომარეობა, თუ რამდენი ექნება მას შემოსავალი დამდეგ წელს, შაბუყოთში კი წყდება - მისი სულიერი ცხოვრება, თუ რას მიაღწევს ის თორაში ამ წლის განმავლობაში, ამიტომ გვმართებს უფრო მეტი თრთოლვა შაბუყოთის წინაშე.

როდესაც ვაკურთხებთ თორის ბერახებს-ჩვენ ვამბობთ ფრაზას - „რომ ჰაშემი გვაძლევს თორას“ და არა - „რომ ჰაშემმა მოგვცა თორა“, იმიტომ რომ ჰაშემი ეხლაც გვაძლევს თორას - იმის მიხედვით, თუ როგორ ვიმსახურებთ. „მეორ ეინაიმ“ - თორის კომენტატორი-წერს, რომ ყველა ისრაელი იღებს თორას თავის დონის შესაბამისად, როდესაც ვიხედებით თალმუდში - ვხედავთ და ვიგებთ მას-ჩვენი დონის და დამსახურების შესაბამისად, რაც უფრო მეტი იცის ისრაელმა, უფრო მეტის მიღება შეუძლია თითოეული გვერდისგან.

თუ რას ვისწავლით დამდეგ წელს და რა დონეს მივალწევთ თალმუდში, წყდება შაბუყოთის ღამეს. ხოლო თავის მხრივ ამაზე დამოკიდებული რამდენად ბრძენი, კეთილნი, წესიერი გავხდებით ამ პერიოდში, ან პირიქით — რამდენად ეგოისტი, გაუნათლებელი და ბოროტი.

ამიტომ ამ დღესასწაულისთვის მაქსიმალურად უნდა მოვემზადოთ და გავატაროთ მთელი ღამე თორის სწავლაში.

თალმუდში ტრაქტატში „შაბათი“ არის ადგილი-რომელიც ეძღვნება თორის მიღებას - სადაც არის კამათი - როდის მივიღებთ თორა 6 თუ 7 სივანს? თუმცა, საბოლოო ჯამში მაინც არ არის კამათი იმაზე თუ როდის ვზეიმობთ ამ დღესასწაულს. რადგან წერია თორაში: რომ ის უნდა ავლიწმნოთ ფესახიდან ყომერის თვლის ორმოცდამეათე დღეს.

შაბუყოთი - ეს არის ხუფა, ისრაელი ერის ქორწილი - ჰაშემთან, როგორც პატარძალი ირთობა და ღამაზდება ქორწილის წინ - ჩვენც ისრაელები ვლამაზდებით თორის 24 ნაწილისგან - თანახის 24 წიგნით. ამიტომ შაბუყოთის ტიკუნი შედგენილია ამ 24 წიგნის სხვადასხვა ნაწილებისგან, დამატებულია ზოჰარის და სეფერ იეცირას ნაწილები და ასევე 613 მიცვა.

შლა ჰა კადოში იგონებს ერთხელ რაბი შლომო ალკავეცი (ლენა დოდის ავტორი) და რაბი იოსეფ კარო (შულხან არუხის ავტორი) შაბუყოთის ღამეს კითხულობდნენ თიკუნს, უცბად გაიგეს ხმა ზეციდან - რომ ჰაშემს აქვს კოლოსალური სიამოვნება მათი მოქმედებისგან - შაბუყოთის თიკუნის კითხვისგან.

რაბი აჰარონ მდინარაჰი

„იერუსალიმის დიდი დღე, ისრაელის დიდი დღე, ამერიკის დიდი დღე“

ისრაელის პრემიერ-მინისტრმა ბინიამინ ნეთანიაჰუმ ამერიკის შეერთებული შტატების ისრაელში საელჩოს თელ-ავიდან იერუსალიმში გადატანისადმი მიძღვნილ ცერემონიაზე ამ სიტყვებით დაიწყო თავისი გამოსვლა და დაამთავრა უზენაესისადმი ვედრებით:

— ღმერთო, აკურთხე ისრაელი, აკურთხე ამერიკა!

აშშ სენატმა ჯერ კიდევ 24 წლის წინათ დაადგინა, რომ აშშ საელჩო თელ-ავივიდან იერუსალიმში უნდა იყოს, მაგრამ ყოველი პრეზიდენტი აყოვნებდა ამ დადგენილების ასრულებას. დონალდ ტრამპი აღმოჩნდა ის გამორჩეული სულსკვეთების პრეზიდენტი, რომელიც არ დაერიდა არაბული სახელმწიფოების მუქარას და დადგენილება შეასრულა. 14 მაისს მან ვიდეო მიმართვა გამოუგზავნა საზეიმო ცერემონიალის მონაწილეებს

— ჩვენ დიდხანს ველოდით ამ დღეს — ასე დაიწყო თავისი მიმართვა პრეზიდენტმა.

და დაამთავრა შემდეგი სიტყვებით:

— ღმერთო, აკურთხე იერუსალიმი, ღმერთო აკურთხე ისრაელი, ღმერთო აკურთხე პალესტინელები, ღმერთო აკურთხე ამერიკა!

სიტყვები წარმოთქვეს მეშვიდე თაობის იერუსალიმელმა — ისრაელის პრეზიდენტმა რეუვენ რივლინმა, აშშ პრეზიდენტის სპეცნარმომადგენელმა ჯარედ კუშნერმა, ივანკა ტრამპმა.

იუდეველმა და ქრისტიანმა სასულიერო პირებმა წარმოსთქვეს კურთხევანი.

ეთიოპიიდან რეპატრირებულმა მომღერალმა ხაგით იასომ შეასრულა ლეონარდ ქოენის „ჰალილუია“

მიჰყავდა ცერემონიალი აშშ ელჩს ისრაელში დავიდ ფრიდმანს.



ისრაელი — 70

საქართველოში ისრაელის საგანგებო და სრულუფლებიანი ელჩისა და მისი მეუღლის — შაბთაი და ლეა ცურის ეგიდით 10 მაისს ისრაელის სახელმწიფოს დამოუკიდებლობის დღე შოთა რუსთაველის სახ.სახელმწიფო დრა-



მატული თეატრის შენობაში აღინიშნა.

განვლილი 70 წლის განმავლობაში ისრაელის წარმატებებზე ყოფიერების სხვადასხვა სფეროში ვრცლად ისაუბრა ბ-მა შაბთაი ცურმა, მან დღესასწაულზე მოსულთ უამბო ებრაელი ხალხის მიერ განვლილ გზაზე გაფანტულობიდან სიონიზმის მოძღვრების შექმნამდე, შემდეგ კი იმაზე გაამახვილა ყურადღება სიონიზმის ლიდერები როგორ იბრძოდნენ ებრაელი ხალხის

სახელმწიფოებრიობის აღდგენისათვის, რაოდენი ძალისხმევა, სიცოცხლე გაიღო ერმა იმისათვის, რომ ამ მიზნისათვის მიეღწია.

ელჩის საუბრის მეორე ნაწილი თანამედროვე ისრაელს შეეხებოდა, იმას, თუ რაოდენ სიმაღლეებს მიაღწია ისრაელმა მეცნიერების, კულტურის, ახალმშენებლობის, სოფლის მეურნეობის განვითარებისა, თუ მონიწივე, ახალი ტექნოლოგიების დანერგვის საქმეში.

ისრაელის ელჩმა ქართულ-ებრაულ ისტორიულ, საქართველო-ისრაელის მეგობრულ, პარტნიორულ ურთიერთობაზე ისაუბრა და ამ ურთიერთობის დასტურად გაიხსენა, რომ სწორედ დღეს — 10 მაისს საქართველოში ამუშავდა ახალი საავიაციო ქარხანა და ეს დიდი საქმე სწორედ ისრაელის თანადგომით გაკეთდა.

ისრაელის სახელმწიფოს დამოუკიდებლობის 70-ე წლისთავი მიულოცა საქართველოს ვიცე-პრემიერმა, საგარეო საქმეთა მინისტრმა მიხეილ ჯანელიძემ,

ბატონმა ვიცე-პრემიერმა ისაუბრა საქართველოზე, იმაზე, თუ რანარმატებას მიაღწია ქვეყანამ ბოლო წლების განმავლობაში, შეკრებილთ, ისრაელიდან ჩამოსულ სტუმრებს გააცნო საქართველოს სხვადასხვა სფეროს რეიტინგები და საქართველო-ისრაელის კეთილმეგობრულ ურთიერთობაზე შეჩერდა.

ვრცელი სიტყვა წარმოსთქვა ისრაელის ეკონომიკისა და ინდუსტრიის განვითარების მინისტრმა ელი ქოენმა, რომელიც თავის თანმხლებ პირებთან ერთად თბილისში ახალი საავიაციო ქარხნის გახსნასთან დაკავშირებით ჩამოვიდა.

გაიმართა კონცერტი, რომელშიც მონაწილეობდნენ: თბილისის გოგონათა გუნდი, „ალილო“, „სუხიშვილები“, თემურ ნიკლაური, თემურ ყვითელაშვილი, ჯემალ და ცისანა სეფიაშვილები, სოფო ბეღია, ანრი ჯოხაძე, ვერიკო ტურაშვილი, „ქუჩის მუსიკოსები“, ირმა სოხაძე, ბადრი ჯანაშვილი, კაკული გურიელაშვილი, ნინო ჩხეიძე, მერაბ სეფაშვილი, ლელა ნურნუშია და მორის ჯანაშვილი.

დასასრულს ქართველსმა და ისრაელელმა მომღერლებმა ერთად იმღერეს. ისრაელის ქართულენოვანი ტელევიზიის — „ჩვენი არხი“ — გენერალურმა დირექტორმა, მომღერალმა მორის ჯანაშვილმა კი შაბთაი ცურს, როგორც „ჩვენი არხის“ დიდი ხნის რესპოდენტს, სამახსოვრო საჩუქარი გადასცა.

თბილისში ჩატარებული ისრაელის 70 წლისთავისადმი მიძღვნილი საღამო სწორედ „ჩვენი არხის“ მეშვეობით მთლიანად გადაიცემოდა ისრაელში.

მიხეილ მირილაშვილი: ბილოცავთი გამარჯვების დღეს!



9 მაისს საყოველთაოდ აღინიშნა ფაშიზმზე გამარჯვების დღე, რომელმაც 6 მილიონი ებრაელის სიცოცხლე შეინარა. ფაშიზმის დამარცხებაში თავისი წვლილი შეიტანეს ებრაელებმა — ისინი თითქმის ყველა ფრონტზე იბრძოდნენ. ამ დიდ მოვლენას, ფაშიზმის დამარცხების საზეიმო დღეს, არც ევრ-აზიის ებრაელთა კონგრესმა აუარა გვერდი: მოაწყო საზეიმო მსვლელობა, ფლემბომი, ხოლო კონგრესის პრეზიდენტმა მიხეილ მირილაშვილმა განაცხადა:

— დღეს ისრაელში სათავე ედება ახალ ტრადიციას — საბჭოთა კავშირიდან ჩამოსულთა და მათი შთამომავლების მეოხებით ყოველწლიურად აღინიშნოს ფაშიზმზე გამარჯვების დღე — მოენწყოს ფლემბომი. ამ დღის ჩატარება საჭიროა

არა მხოლოდ ვეტერანებისათვის, ახალი თაობებისათვისაც. მიხარია, რომ ამ ღონისძიებას სათავეს უდებს ევრ-აზიის ებრაელთა კონგრესი, მიხარია, რომ ვმონაწილეობ ამ პროექტში.

ნათელა პატარკაციშვილი — 85

ქ-ნი ნათელა პატარკაციშვილი--კარგი შვილების აღმზრდელი და ქველმოქმედი პიროვნება (იგი საქართველოში მცხოვრებ ებრაელთაგან ის იშვიათი გამონაკლისია, ყურადღებას რომ არ აკლებს „ხესედ ელიაჰუს“) 85 წლისა გახდა.




ამ ქალბატონის ცხოვრების გზაზე ტკივილიც ბევრი ყოფილა და სიხარულიც, მაგრამ ვერა-რა სიხარული ვერ გადაფარავს იმ ტრაგედიას, რაც მისი ვაჟის--დიდებული ბადრი პატარკაციშვილის გარდაცვალებასთან გახლავთ დაკავშირებული. მიუხედავად ამისა, ქ-მა ნათელამ შეინარჩუნა საულიერი მხნეობა და კვლავაც საზოგადო პიროვნებად დარჩა.

და არა მხოლოდ საზოგადო, საზოგადოებისათვის საჭირო პიროვნებად! მრავალჟამიერ, ქალბატონო ნათელა!

ვახუტ „მენორას“ რედაქცია

მათ დატოვეს ნათელი კვალი



ხუნაშვილი ზინა 1923-1997



შკოლნიკი ლიზა 1923-1993



ზვოლეს იდა 1923-2004



ფინჩაევა სონია 1923-1996



ბინაშვილი ოიხაბედ 1923-2013



იაკობიშვილი ირა 1923-2000



გაგულაშვილი ლილი 1923-2012



მეგრელიშვილი ბეტი 1923-2011



მეგრელიშვილი სარა 1923-2008



დავითაშვილი სარა 1923-1990



ბაბალიშვილი ვერა 1924-2010



ბოტკაშვილი რუთი 1924-1991



ვინშტეინ ელიონორ 1924-2008



დავარაშვილი სარა 1924-2014



დავითაშვილი რაია 1924-2000



თოფიაშვილი თეთრი 1924-1993



იაკობიშვილი ირა 1924-1975



კრიხელი თამარა 1924-2012



მეგრელიშვილი ფანია 1924-1988



ხანაშვილი ნელი 1924-2010



ტეიტელ ვეა 1924-2001



ფინჩაევა ნორა 1924-1992



ჯანაშვილი ლიზა 1924-2010



ელუაშვილი პესია 1925-2017



იაკობიშვილი ნორა 1925-1994



ისრაელაშვილი ანა 1925-2000



მაიშვილი რიკვა 1925-1994



„საქმემან შენმან გამოგაჩინოს“. ეს მერამდენედ წარმოაჩინა ჩვენი თემის სასიქადლო შვილი, პროფესორი დოდო ჩიკვაშვილი, მისმა შემოქმედებამ, რომელიც ყოველთვის მიმართულია თემის და ერის სამსახურისკენ. ამჯერად კი, 24 აპრილს ბათ იამის „აუდიტორიუმში“ გაიმართა საღამო თემაზე: „საქართველოს მანდილოსნები, რომელთაც დატოვეს ნათელი კვალი“. რაღა თქმა უნდა, რომ საღამოს სულისჩამდგმელი და უმაღლეს დონეზე წამყვანი, იყო ჩვენი დროის უნიჭიერესი, სათნო და გამორჩეულად ღირსეული ქალბატონი დოდო ჩიკვაშვილი. თავად თემა დიდ შრომასა და გარჯას მოითხოვდა, მაგრამ ქ-ნი დოდო, მიუხედავად თავისი დაკავებულობისა, არად დაგვიდევთ, თუკი საერო საქმე კეთდება. მან დამსწრე საზოგადოებას გააცნო საქართველოს განათლებულ ებრაელ ქალთა მთელი პლეადა, რომელთაც თავიანთი მოღვაწეობით (ბოლო 150 წლის განმავლობაში) წარუშლელი და ნათელი კვალი დატოვეს. უამრავი კითხვა დამებდა ამ საღამოსთან დაკავშირებით, რომელმაც დიდი წარმატებით ჩაიარა და ყველას სიამაყის ამაღლებული გრძნობა მოჰგვარა. ამიტომაც ვესტუმრე მას სასაუბროდ.

ლია კრიხელი: ქალბატონო დოდო, სად და როდის დაიბადა ეს იდეა, უკვდავად იმ ამავდარი ქალბატონების სახელები?

დოდო ჩიკვაშვილი: დაახლოებით ნახევარი წლის წინათ ერთმა შემთხვევამ დამაფიქრა და მიმიყვანა იმ დასკვნამდე, რომ ეს ჩემი საქმე და საკეთებელია, ყველამ თვალნათლივ დაინახოს, როგორი დედები და ბებიები გვყავდა, რა ფესვებიდან მოვდივართ. ეს ჩვენმა თაობამ უნდა მიანოდოს მომავალ თაობებს, ამ სახელებს დავინყვება არ ვეგების. ისინი მამაკაცების გვერდი-გვერდ მოღვაწეობდნენ ყველა დარგში. როგორც ებრაელ ქალს შეეძენის, მანდილი მოსავდა მათ და ამიტომაც შედარებით უხმაუროდ მიმდინარეობდა მათი საქმიანობა.

ლ.კ. და რატომ მხოლოდ 1872 წლიდან?

დ.რ. ჩემო ლია, საქმე იმაშია, რომ საქართველოში პირველი უმაღლესი განათლების დაწესებულება 1917 წელს დაარსდა — სარაჯიშვილის სახ. თბილისის კონსერვატორია, 1918 წელს კი ივანე ჯავახიშვილის სახ. სახელმწიფო უნივერსიტეტი და ამის შემდეგ თანდათან დანარჩენი ინსტიტუტები. 1902 წელს თბილისში უკვე არსებობდა რელიგიური სკოლა ქართველი ებრაელი ბავშვებისთვის. სხვა ქალაქებსა და დაბებში



სკოლამდელი ასაკის ვაჟებს „ხედერში“ აბარებდნენ ებრაული განათლებისა და იუდაიზმის საფუძვლების შესასწავლად, გოგონებს ხელსაქმეს ასწავლიდნენ: კერვას, ქარგვას. სკოლის შემდეგ საშუალო სპეციალურ სასწავლებლებში ეუფლებოდნენ მედიცინას, ბულაღტრის, ან დანყებითი სკოლის მასწავლებელთა პროფესიებს. მე-20- საუკუნეში ჩვენი ქალბატონები იყვნენ ექიმები, იურისტები, მუსიკოსები, მეცნიერები და ა. შ.

ლ.კ. წარმომადგენია, რა რთული იქნებოდა მასალების მოპოვება?

დ.რ. ყოველგვარი ყალბი მოკრძალებულობის გარეშე, იმაზე რთული, ვიდრე მე თვითონ წარმომედგინა, როცა დავინყე მონაცემების შეგროვება. მართო ვერაფერს გავხდებოდი, თუ არა ის ადამიანები, ვინც ერთგულად დამიდეგა გვერდში და დახმარება გამიწია. მე ვთხოვე იმ რეგიონების წარმომადგენლებს, სადაც ებრაელები ჭარბად სახლობდნენ, როგორცაა თბილისი, აჭარა, აფხაზეთი, კულაში, ქუთაისი, რაჭა, ახალციხე, ცხინვალი და სხვა, შეძლებისდაგვარად მოეძიებინათ ზუსტი ცნობები მათი განათლებისა და საქმიანობის შესახებ. ზოგიერთი ქალბატონის დაბადებისა და გარდაცვალების თარიღებიც კი არ იყო ცნობილი. უღრმესი მადლობა მინდა გადავუხადო ქალბატონებს: ლილი დანიელაშვილს, ნათელა გორელაშვილს, კლარა ვინოკურს, ზიზი ელიაშვილსა და ლეა ფინჩაევს. მათ ჭეშმარიტად გაითავისეს ეს საქმე და მე ამას არ დავივინყებ. ძალა ხომ ერთობაშია.

ლ.კ. თქვით რომ ამ სიას შევსება სჭირდება, როგორ წარმოგიდგენიათ ეს?

დ.რ. მე იმ საღამოსვე მივმართე დამსწრე საზოგადოებას, რომ თუ ვინმე

გამორჩა, დიდსულოვნად მომიტევეთ და ერთიანი ძალებით, თქვენს მიერ მოწოდებული მასალებით, სია შეივსება. მერ-ნმუნეთ, ისინი იმსახურებენ ამას. ხუთასამდე ქალბატონის სახელია შეტანილი ამ პროექტში და თითოეული იმსახურებს პერსონალურად გამოყოფას, მაგრამ მეტად დასანანია, რომ ერთი საღამოს ჩარჩოებში ამის ჩატევა შეუძლებელია.

ლ.კ. ეს არ არის თქვენი პირველი პროექტი. ყველას გვახსოვს 2014 წელს ბარ ილანის უნივერსიტეტში ბატ. შაბთაი ბირანის მიერ განხორციელებული ღონისძიება თემაზე: საქართველოს ებრაელთა ისტორია და კულტურა. თქვენ იქ წარმოაჩინეთ ჩვენი თემის ყველა დროის მეცნიერთა თანავარკვლავები სხვადასხვა სფეროში: საზოგადოებრივ-ეტიკური, მედიცინის, ჰუმანიტარული, ხელოვნების, ზუსტი მეცნიერებებისა და ეკონომიკის დარგში.

დ.რ. სასარგებლო იყო ეს მოვალეობა (ვიქტორ ჰიუგო). მე ვცდილობ ჩემი მოკრძალებული წვლილი შევიტანო თემის ცხოვრებაში. თემი არ არსებობს წარსულის გარეშე, თუმცა მაშინ თანამედროვე მოღვაწე მეცნიერებიც დასახელდნენ. მე მემყვება, რომ ამ თემის შვილი ვარ და მე ჩემი, თქვენ თქვენი და ყველამ თვის საკეთებელი რომ აკეთოს, თემის სახელოვნად წარმოსაჩენად და არა საკუთარი თავის, მაშინ დავუტოვებ ჩვენ მომავლებს ისეთ მემკვიდრეობას, რომ თავანულებმა თქვან „ვისი გორისანი არიან“.

ლ.კ. დავუბრუნდეთ ჩვენი საუბრის მთავარ თემას. რა წყაროებიდან მოიპოვეთ ის ისტორიული ფაქტები, რაც მაყურებელმა ეკრანზე იხილა?

დ.რ. გარდა იმ სტატიებისა, რომლებიც შეიცავდნენ ანგანსებულ ქალბატონების სურათებს, თქვენ ნახეთ და მოისმინეთ ისეთი ისტორიული ფაქტები, რაც მოვიძიე ჩვენი ისტორიკოსების ნაშრომებიდან და უკვე გამოცემული წიგნებიდან. სიამოვნებით დავასახელებ მათ გვარებს: ნათან ელიაშვილი, გერშონ მეგრელიშვილი, იცხაკ დავიდი, კონსტანტინე ლერნერი, გერშონ ბენ-ორენი, აბონ ციციაშვილი, ელდონ მამისთვალაშვილი, ზოია ჯინჯინაშვილი, იაკობ ოფირი, ლილი ბააზოვი.

ლ.კ. მართლაც პრომატევედი პროექტია, რაც სათანადოდ შეაფასა ყველამ. გამომსვლელთა შორის ჩვენი თემის ავტორიტეტულმა, ღირსეულმა წარმომადგენლებმა მიაგეს პატივი მათ ხსოვნას. ესენი იყვნენ: პროფ. დავით ბააზოვი, დოქტორი იაკობ ოფირი, ჟურნალისტი და პუბლიცისტი ნუგზარ

ჯანაშვილი, პროფ. შალომ დავითი. მათი აზრით, გაგრძელება უნდა მიეცეს ამ საშვილიშვილო საქმეს, რამეთუ მსგავსი მასალები მხოლოდ გაამდიდრებს ნებისმიერი მუზეუმის არქივს და კიდევ უფრო აამაღლებს ჩვენი თემის პრესტიჟს.

დ.რ. მინდოდა, რაც შეიძლება მეტი თვალსაჩინო მასალა ყოფილიყო წარმოდგენილი. ამიტომ იყო ნაჩვენები იმ წიგნების სრული ნუსხა, რაც ამ ქალბატონების კალამს ეკუთვნის. არის ეს ლექსების კრებული, თუ ისტორიული მასალები. სურათების წარსადგენად ქრონოლოგია გამოვიყენე, ხოლო სპეციალობები და დასაქმების სფერო, ალფაბეტის მიხედვითაა ჩამოყალიბებული.

ლ.კ. ქალბატონო დოდო, თქვენ ისიც კი განსაზღვრეთ, რომ დაბრბის ფოიეში დადგმულიყო მაგიდა სანთლებით სავსე ლარნაკებით. ყველას ჰქონდა საშუალება მათი სულის მოსახსენებლად ანთო სანთელი. სანთლები ლიტლიცის შუქზე შეამჩნევდით ყველას თავლებში მომდგარ ცრემლს, მაგრამ სიამაყის დაუფარავი გრძნობაც გვამაღლებდა ყველას.

დ.რ. ჩემი მიზანიც ეგ იყო, მათ შთამომავლებს ეგრძნოთ სიამაყე და თავდაჯერებულობა. ამ ქალბატონებმა ფასდაუდებელი ღვაწლი შეიტანეს საქართველოს აღმშენებლობის საქმეში. არცერთ მათგანს არ დავინყვებია „ბაშანა ჰაბაა ბირუშალიმ“. ისინიც ოცნებობდნენ წმინდა მინაზე დაედგათ ფეხი, მაგრამ მათ ბედმა არ არგუნა. რარიგ გაიხარებდნენ დღეს თავისი შთამომავლების წარმატებებით, რომლებიც ისრაელის ინდუსტრიის ყველა სფეროში მონიხავენი არიან. ეს არის ჯარის საბრძოლო ქვედანაყოფები, უმაღლესი ტექნოლოგია, მედიცინა თუ მეცნიერება. ესეც ჯანსაღი ფესვების წყალობითაა.

ლ.კ. კიდევ ერთი ზუსტი მიგნება იყო ის, რომ როგორც დამაგვირგვინებელი აკორდი, ისე უღერდა ბატონ შალომ დავიდის მიერ გალობით შესრულებული „კადიში“. დავამატებ იმასაც, რომ იმ ქალბატონებისთვის უფრო უპრიანი იყო სანთელიცა და კადიშიც, ვინც დაუოფახებელი წავიდა ამ ქვეყნიდან და მომგონებლებიც არ ჰყავთ. არ შევცდები, თუ ვიტყვი, რომ ამ საღამოს მნიშვნელობაცა და მინაარსიც გამართლა თქვენმა ჯაფამ და დიდებულმა იდეამ. უღრმესი მადლობა ყველაფრისთვის.

დ.რ. მადლობა თქვენ.

ლია კრიხელი
პედაგოგი,
საზოგადო მოღვაწე,
ღირსების ორდენის კავალერი

„მოსადი“-ს ფანასტიური ოპერაცია

„მოსადი“-ს აგენტები თეირანში.

როგორ მოიტაცეს ირანის საიდუმლო ბირთვული არქივი

აპრილის ბოლო დღეებში ისრაელის პრემიერ მინისტრმა ბინიამინ ნეთანიაჰმ გააკეთა ფანტასტიკური განცხადება და მსოფლიოს გააცნო ირანის ბირთვული ამბიციის ამბები — აუნყა, რომ ირანს 2015 წლის ექვსი ქვეყნის მიერ ხელმოწერილი ხელშეკრულების შემდეგაც არ შეუწყვეტია ბირთვული იარაღის შექმნა.

თავის გამოსვლაში ბინიამინ ნეთანიაჰმ დოქტორი მოხსენ ფახდიზადე მოიხსენია, როგორც საიდუმლო პროექტის „ამადის“ ხელმძღვანელი, რომელიც ფაქტიურად ირანის ატომური ბომბის მამად მიიჩნევა.

— დაიმასხოვრეთ ეს სახელი — ფაჰრიზადე! — განაცხადა ნეთანიაჰმ.

ვინ არის მოხსენ ფაჰრიზადე?

ირანის რეჟიმი მას ეროვნულ სიამაყედ მიიჩნევს, გაერთიანებული ერების ორგანიზაციის უშიშროების საბჭომ პერსონალური სანქცია დაადო, ისრაელის დაზვერვა კი თვალს არ აშორებს.

უაღრესად გასაიდუმლოებული

მიუხედავად იმისა, რომ 57 წლის დოქტორი მოხსენ ფაჰრიზადე ლექტორად და ბირთვული ფიზიკის დარგში სწავლულად ითვლება, ყოველ დღით სახლიდან სპეციალური ესკორტით მიჰყავთ თეირანის იმამის სახ. უნივერსიტეტის ფიზიკის ფაკულტეტის შენობასთან, ხოლო სამუშაო საათების ამონურვის შემდეგ, ასევე სპეციალური ესკორტით აბრუნებენ შინ, იგი უბრალო მასწავლებელი არ არის, უფრო სწორად, სულაც არ არის მასწავლებელი.

ფაჰრიზადეს კაბინეტი უნივერსიტეტის კორპუსის განსაკუთრებულად დაცულ მონაკვეთშია განთავსებული. ამ მონაკვეთში უამრავი სათვალთვლო კამერა დგას და უცხოთათვის შესვლა აკრძალულია. თავისუფალი გადაადგილება არც თავად ფაჰრიზადეს ძალუძს — იგი ირანის სამხედრო ბირთვული პროგრამის ტვინად, ატომური ბომბის შექმნელად მიიჩნევა და ამ ქვეყნის ეროვნული სიამაყეა.

ბინიამინ ნეთანიაჰმ თავის გამოსვლაში ფაჰრიზადე რომ ახსენა, დამსწრეთა უმეტესობას ეს სახელი არაფერს არ ეუბნებოდა, თუმცა, მასობრივი ინფორმაციის საშუალებებში იგი რამდენიმეჯერ გახლდათ მოხსენიებული და სწორედ ირანის ბირთვულ პროგრამასთან დაკავშირებით. არც მისი სურათი ენახა ვინმეს. ბინიამინ ნეთანიაჰმ ირანის ატომური ბომბის გასაიდუმლოებული მამის ფოტოსურათიც კი წარმოადგინა

იმისაგან განსხვავებით, რაც ადრე იყო ცნობილი, ისრაელის პრემიერ-მინისტრმა ისიც კი გაასაჯაროა, მოსადის მიერ მინოდებული ოპერატიული მასალების საფუძველზე, რომ ფაჰრიზადეს ატომურ ბომბზე მუშაობა სულაც არ შეუწყვეტია, თუმცა თეირანში ამტკიცებენ 2015 წლის ხელშეკრულების დადების შემდეგ, ატომურ ბომბს აღარ ვამზადებთო — ფაჰრიზადე კვლავაც ხელმძღვანელობს სამხედრო გასაიდუმლოებულ ბირთვულ პროგრამას. და სწორედ ფაჰრიზადეა სამეცნიერო და ადმინისტრაციული დირექტორი ამ სრულიად გასაიდუმლოებული პროგრამისა.

სახლი მაჰლატის ქუჩაზე

დოქტორ ფაჰრიზადეზე მოპოვებული დოსიედან ირკვევა, რომ იგი, მართლაც, დიდებული მკვლევარი, ბირთვული ფიზიკისა და ქიმიის დარგის დიდი მცოდნეა, ამავე დროს სრულიად ლოიალურია დღევანდელი ირანის რეჟიმისა და ისლამური რევოლუციის, ჩინებული ორგანიზატორი და მენეჯერი.

ირანში და არა მხოლოდ ირანში, მას არცთუ იშვიათად ადარებენ აბდულ კადირ ხანს — პაკისტანის ბირთვული პროგრამის ხელმძღვანელს. ეს ის კაცია, ვისი დახმარებითაც ირანმა მიიღო ურანის გამაძლიერებელი პირველი ცენტრიფუგები. ფაჰრიზადე ისლამური რევოლუციის გუშაგთა რიგებში 31 წლის წინათ შევიდა, ესეიგი ამ გასამხედროებული სტრუქტურის შექმნისთანავე.

ამასთან, როგორც ისრაელში ამბობენ, ფაჰრიზადეს ორგვარი შლიაპა ახურავს. ეს კი იმას ნიშნავს, რომ ორმავე ცხოვრებას ეწევა. ერთი მათგანი არის ის, რაც ყველასათვის ცნობილია, მეორე კი გასაიდუმლოებული. კონკრეტულად: ცნობილია ის, რომ ფაჰრიზადე მკვლევარია, რომ ადრე მაღალ პოსტებს იჭერდა ბირთვული ენერჯის ეროვნულ სამმართველოში, ნაკლებად ცნობილია ის, რომ დროის უმეტეს ნაწილს საერთაშორისო ზედამხედველთაგან დაფარულ, მაღულ სამხედრო ობიექტებზე ატარებს. საერთაშორისო სანქციები და მატს შორის გაერთიანებული ერების ორგანიზაციის უშიშროების საბჭოსი, მას შემდეგ დაუნესდა, რაც გაირკვა, თუ რა საქმიანობას ეწევა ისპაჰანის პროვინციაში, ნათანზე ბირთვულ ცენტრში. 2010 წლისთვის აქ ურანის გამამდიდრებელი ოთხი ათასი ცენტრიფუგა მუშაობდა. თეირანში ამტკიცებდნენ, რომ ეს ობიექტი სამშვიდობო ატომისათვისაა განკუთვნილი, მოგვიანებით გაცხადდა, რომ განცალკევებულ, განსაკუთრებულად დაცულ, ფარულ ბლოკში სამხედრო დანიშნულების გამდიდრებული (95%) ურანისმილებზე მუშაობდნენ.

მას შემდეგ, რაც ნატანზისა და ბუშერის ობიექტები საერთაშორისო სტრუქტურების ყურადღების ქვეშ მოხვდა, აქ არსებულ ცენტრიფუგებს სხვა ადგილი გამოუნახეს, სწორედ იქ გადაიტანეს, როგორც მოსადმა დაადგინა, სადაც მიდინარეობდა პროექტ „ამად“-ის განხორციელება და მიმდინარეობდა, სწორედ მოხსენ ფაჰრიზადეს ხელმძღვანელობით — დაზვერვამ შესძლო „ირანის ატომური ბომბის მამაზე ცნობების შეგროვება: ისიც დაადგინა, თუ როგორ, რომელი შესასვლელიდან არის შესაძლებელი მის კაბინეტთან აღმოჩნდე. დაზვერვას ხელთა აქვს მისი კაბინეტისაკენ მიმავალ დერეფნებში ვიდუოკამერების განლაგების სქემა, ბინის მისამართი (თეირანი, შაჰიდ მაჰლატის ქუჩა, ტელეფონის ნომერიც კი: 021-2446413).

ისიც გაირკვა რომ ბატონი ფაჰრიზადე სულაც არ არის უქონელი კაცი: მისი ფინანსური აქტივები განლაგებულია ევროპისა და აზიის ბანკებში, მათს შორის წარმომდგენის (პასპორტების ნომრები: 0009228 და 4229533) სახელზეც კი. მაგრამ მას შემდეგ, რაც ირანული ატომის მამას საერთაშორ-

ისო აკრძალვა დაედო, მისი აქტივები გაყინულია.

„შეიარაღების ჯგუფის“ მეთაური

საერთაშორისო სანქციებმა სულაც არ მოხსნა კითხვა, თუ ვინ არის მოხსენ ფაჰრიზადე და როგორია მისი როლი ირანის სამხედრო პროგრამაში — ირანული ატომის შექმნის საქმეში. მასობრივი ინფორმაციის საშუალებებში ამ საკითხთან დაკავშირებით ერთობ განსხვავებული მოსაზრებები გამოითქვა. მაგალითად, გერმანული „შპიგელი“ მიიჩნევს, რომ ფაჰრიზადე მეთაურობს საიდუმლო პროგრამას, რომლის კოდური სახელწოდებაც **FEDAT** გახლავთ. ვარაუდობენ, რომ ეს დაახლოებით მოდერნიზაციისა და მონიწივე ტექნოლოგიების დანერგვაზეა ორიენტირებული.

ახალი სადაზვერვო მონაცემები კი ადასტურებენ ამ პროექტში თორმეტი სტრუქტურა მონაწილეობს და ყოველი ამათგანი ატომური ბომბის სხვადასხვა კომპონენტს ამუშავებდა — სანვავით დანყებულ ბომბის მატარებლით დამთავრებული.

ამ სტრუქტურებს შორის გახლდათ ე.წ. „პროექტი -111“, რომელიც დამამთავრებელ ეტაპზე — მატარებლებისა და ბირთვულ ქობინებზე აგებდა პასუხს.

რასაკვირველია, ფაჰრიზადე მარტო არ მოქმედებდა.. მის თანამებრძოლთა შორის გახლდნენ პროფესორი, ოფიცერი, რომელიც ასევე მოხვდა სანქცირებულთა შორის (გაეროს უშიშროების საბჭოს 1747 რეზოლუცია) ფერეიდუნ დავანი აბასი. ამათი კოლეგა გახლდათ მასუდ ალი მოჰამადი, რომელიც როგორც ადრე გამოცხადდა, მოსადის მიერ 2010 წელს იქნა ლიკვიდირებული. ეს სამი ძლიერ გასაიდუმლოებული ადამიანი გახლდათ იმ „შეიარაღების ჯგუფის“ წევრი, რომელიც ატომურ ბომბს ქმნიდა.

„მაგატეს“ ინსპექტორებისათვის ეს ადგილები მიუწვდომელი გახდა — არ აჩვენეს.

მეცნიერი, ფილოსოფოსი, ბლოგერი

რაოდენ უცნაურიც არ უნდა იყოს, ბევრი ირანელისათვის მოხსენ ფაჰრიზადე ცნობილია, როგორც პოპულარული ბლოგერი. იგი ხშირად განსჯის მეცნიერების, რელიგიის, ფილოსოფიის საკითხებს. მკითხველთა შეკითხვებს სიამოვნებით პასუხობს. ერთის მხრივ ისლამის ერთგულების დემონსტრირებას ეწევა, მეორის მხრივ თანამედროვე ყოფის რეალიზაცია — მეცნიერებას, პროგრესს ღებულობს. ფართო აუდიტორიის ინტერესს სიბნელისა და პროგრესის სწორედ ასეთი თავსებადობა განაპირობებს.

ამასწინათ ფაჰრიზადემ განაცხადა, რომ წერს წიგნს. ეს იქნებაო წიგნი ფილოსოფიაზე, რელიგიაზე, მეცნიერებაზე.

ბინიამინ ნეთანიაჰს გამოსვლიდან:

ეს საიდუმლო ბირთვული პროგრამა კოდური სახელწოდებით პროექტი „ამად“ დღეს ჩვენ შეგვიძლია დავადასტუროთ, რომ „ამადი“ არის კომპლექსური პროგრამა ბირთვული შეიარაღების შემუშავების, შექმნისა და გამოცდისა. ასევე შეგვიძლია დავამტკიცოთ, რომ ირანი საიდუმლოდ ინახავს პროექტის მასალებს იმისათვის, რომ გამოიყენოს მასინ, როცა თეირანის რეჟიმი ატომური ბომბის შექმნას დაისაჭიროებს.

პროექტ „ამადის“ კონკრეტული და დაუფარავი გეგმა ასეთია: ბირთვული იარაღის შექმნა, დააპროექტოს, მოამზადოს და გამოსცადოს ხუთო ბირთვული ქობინა, ყოველ მათგანი უნდა იყოს 10 კილოტონის ტროტილის ექვივალენტი. იმისათვის, რომ გაიგოთ, თუ რა არის ათი კილოტონა ტროტილი სრულიადაც არ არის აუცილებელი იცოდეთ სპარსული ენა. ეს არის ბალისტიკური რაკეტებისათვის მომზადებული ხიროსიმას ხუთი ბომბის ბადალი. აი, ასეთი მიზანი აქვს „ამადს.“

— მოსადის მიერ მოტაცებულ არქივში არის ერთი ასეთი დოკუმენტი: ირანის თავდაცვის მინისტრის ალი ხამშანის ახალი დირექტივის მიხედვით, პროექტზე მუშაობა ორ ნაწილად უნდა დაიყოს: ფარული და ღია, ყველასათვის გასაგები, ხელმისაწვდომი ნაწილი. მოხსენ ფაჰრიზადე, აცხადებს: „გამოვაცხადოთ პროექტ „ამადის“ დახურვა“ და მერე დასძინს: დაგვჭირდება „სპეციალური ღონისძიება“ თქვენ უნდა იცოდეთ, თუ რა არის ეს „სპეციალური ღონისძიება“. „სპეციალური ღონისძიება“ ჩატარდება „ტექნოლოგიური მეთოდების მეცნიერული დამუშავების“ სახელით.

დოკუმენტები თებერვალში იქნა მიღებული

ამერიკული ტელეარხის **Fox News**-ისათვის მიცემულ ინტერვიუში ბ.ნეთანიაჰმ განაცხადა, რომ ისრაელის დაზვერვამ ეს დოკუმენტები თებერვალში მიიღო.

— ეს არის 100 ათასი დოკუმენტი სპარსულ ენაზე, ჩვენ ეს დოკუმენტები პროფესიონალ მთარგმნელებს გადავეცით. ამ მონაცემთა დამუშავებამ დიდი დრო მოითხოვა. მარტის დასაწყისში აშშ პრეზიდენტს დონალდ ტრამპს შევხვდი, მასალები გავაცანი და დავეპირდი, რომ ყველა ინფორმაციას მივანოვებდით. ამის შემდეგ ამ მასალებს ერთდროულად სწავლობდნენ ისრაელსა და ამერიკის შეერთებულ შტატებში.

ვაშინგტონმა აღიარა, რომ „ირანული დოსიე“ ირანის ბირთვულ პროგრამის ახალ მონაცემებს შეიცავს.

ნეთანიაჰმ შეკითხვაზე მიაჩნია, თუ არა, რომ ამ მასალების გაცხადებით რაიმე ზეგავლენას მოახდენს ამერიკის პრეზიდენტის გადაწყვეტილებაზე, გამოვიდეს ირანთან ექვსი სახელმწიფოს ხელშეკრულებიდან, მიუგო.

— ამ საკითხს ყოველ შემთხვევაში, გადაწყვეტს თავად პრეზიდენტი ტრამპი და არა სხვა. ტრამპი ის ლიდერია, რომელსაც ძალუძს გადამწყვეტილების მიღება და მიიღებს კიდევ.

იმავე დღეს ისრაელის ხელისუფლების მაღალი რანგის ანონიმურმა წარმომადგენელმა განაცხადა:

— ირანთან ჭიდილში კარგა ხანია ვართ ჩაბმული. ეს ორთაბრძოლა მხოლოდ ატომური ბომბის საკითხებს არ შეეხება. და ორივე მხარის დიდი გამოცდაა. ანონიმურ წყაროს მიაჩნია, რომ ეს ჭიდილი კიდევ კარგა ხანს

ნიუ-იორკი, კვინსი, სიმონ კრიხელს



გაზეთ „მენორას“ რედაქცია, მისი მკითხველი, გულითადად მიესალმება იმ კულტურულ კერათა საიუბილეო თარიღებს, რომლებსაც თქვენ უდგებხართ სათავეში — „თარბუთის“ 20 და გაზეთ „დავითის ფარის“ დაარსების 15 წლისთავს.

„თარბუთის“ და „დავითის ფარიც“ ის კულტურული კერებია, რომლებმაც გააერთიანა და თავის ირგვლივ შემოიკრიბა ნიუ-იორკში მცხოვრები ქართველი ებრაელების დიდი ნაწილი. ვინც ერთხელ მაინც ყოფილა „თარბუთის“ მიერ ორგანიზებულ საღამოზე, დანახავდა, თუ რაოდენ სასიკეთო როლს თამაშობს ეს ორგანიზაცია ჩვენი დების, ძმების, შვილების — ნათესავების სულიერ ცხოვრებაში. აქ ადამიანები გამოთქვამენ თავთავიანთ მოსაზრებას ამათუიმ საკითხთან, მოვ-

ლენასთან დაკავშირებით, აღნიშნავენ ღირსეულ, ღვანღმოსილ პიროვნებათა მრგვალ — საიუბილეო თარიღებს. შეფასებას აძლევენ მიმდინარე შემოქმედებით პროცესებს, რომელთა განმაპირობებელი ქართველი ებრაელები არიან. ეს კი იმას ნიშნავს, რომ ნიუ-იორკის ქართველ ებრაელებს აქვს თავისი არამხოლოდ ცენტრი, სათქმელიც.

ხოლო რაც შეეხება გაზეთ „დავითის ფარს“, რომელიც პირადად თქვენი — ნატაშა და სიმონ კრიხელსების უშუალო პირმშოა, კულტურის კიდევ ერთი კერაა. მისი მეოხებით ვეცნობით ნიუ-იორკის ქართველ ებრაელთა თემის

ყოფას — ვხედავთ, თუ როგორია მისი ცხოვრება. ვიცით, დღეს ქართველი ებრაელების ერთი ნაწილი, უმეტესწილად, მოლონიერებული ახალი თაობა, ტოვებს ქვინსს და ნიუ-იორკის, ამ თანამედროვე ბაბილონის, უფრო კომფორტულ რაიონში მკვიდრდება. ასე გვგონია, რაც უფრო გაიზრდება ეს ტენდენცია და გვჯერა რომ გაიზრდება, ადამიანები მით უფრო დაისაჭიროებენ „დავითის ფარს“, „თარბუთს“ ე.ი. მით უფრო მნიშვნელოვანი გახდება ამ ინსტიტუციების როლი და ადგილი ქართველ ებრაელთა ცხოვრებაში.

გვინდა გამოვხატოთ პატივისცემა ნიუ-იორკის ქართველ ებრაელთა სულიერ-რელიგიური ლიდერის — რაბი აბრამ აშვილისა და სალოცავის პრეზიდენტის სოსო პატარკაციშვილისადმი, რომლებიც ხსენებულ კულტურულ კერებს მხარში უდგანან, „თარბუთის“ მიერ ჩატარებული ღონისძიებების აქტიური მონაწილენი გახლავან. რომ არა ამათი (და ქვინსის სალოცავის ადრინდელი გაბაიების — პრეზიდენტების) თანადგომა, დღეს ალბათ, სხვა სურათის შემყურენი ვიქნებოდით, მაგრამ მათი დიდსულოვნება და ამბიციებს მოკლებული ქმედებანი კულტურის ამ კერებს თავისუფალი სუნთქვის საშუალებას აძლევს.

სურვილები? „თარბუთი“ აღარასოდეს გამოეყენებინოთ პირადი ანგარიშსწორებისათვის, მუდამ ყოფილიყოს ქომაგი და მეგობარი ყოველი ადამიანისა.

„დავითის ფარის“ მიმართ კვლავაც ის სურვილი გვაქვს, რომელიც მისი ათი წლისთავზე გვქონდა: გაზეთში გაძლიერდეს ქართულენოვანი მასალების ხვედრითი წილი.

და კიდევ — იქნებ, მთავარი: სიმონ კრიხელმა დიდი მისია იდო თავს და როგორც პატიოსანი ინტელიგენტი, ღირსეულად ასრულებს ამ მისიას.

ღმერთმა მისცეს ძალა და ჯანმრთელობა კვლავაც დიდხანს გაძლოდეს ამ საქმეს!

გაზეთ „მენორას“ რედაქცია

ძველი ახალი გაბაი

მერაბ ჩანჩალაშვილი უკვე რამდენიმე წელიწადია გახლავთ თბილისის ქართველ ებრაელთა დიდი (ე.წ. ახალციხელების) სალოცავის გაბაი--ადმინისტრაციული ხელმძღვანელი. მას კადენცია აპრილის მეორე ნახევარში ეწეობოდა. ამიტომაც არ დაახანეს და გადაწყდა, 29 აპრილს გამართულიყო ახალი გაბაის არჩევნები.

ნიშნდობლივია, რომ სალოცავის ადმინისტრაციულ საქმეთა გაძლოლის სურვილი მხოლოდ ერთმა პიროვნებამ გამოთქვა--მერაბ ჩანჩალაშვილმა. ეს არცთუ ძლიერ სასიამოვნო ფაქტი, ორგვარად შეიძლება იქნას ახსნილი:

1. მ. ჩანჩალაშვილმა ისე კარგად იმუშავა, რომ იგი უკონკურენტდ იქნა

მიჩნეული.

2. მ. ჩანჩალაშვილთან და მის გარემოცვასთან მეტოქეობას აზრი არა აქვს.

ამიტომ სალოცავის გამგეობამ ჯამაათის წევრებს საარჩევნო ბიულეტენი ასეთი ფორმულირებით დაურთა: „ხართ თუ არა თანახმა, მერაბ ჩანჩალაშვილმა განაგრძოს გაბაის თანამდებობაზე მუშაობა მორიგი სამი წლის ვადით?“

29 აპრილს ბეით ქნესეთში გამართულ კენჭისყრაში მონაწილეობა მიიღო ჯამაათის ასმა წევრმა. ბიულეტენში დასმულ შეკითხვას დადებითი პასუხი გასცა 99 ამომრჩეველმა.

ამრიგად, მერაბ ჩანჩალაშვილი შეიძლება ითქვას, ერთხმად იქნა არჩეული გაბაიდ.

ვულოცავთ მ. ჩანჩალაშვილს გაბაიდ ახალი კადენციით არჩევას და ვუსურვებთ წარმატებას მთელი ჯამაათის სამსახურის საპატიო საქმეში.

გაგრძელდება და ამ დოკუმენტების სამზეოზე გამოტანა ირან-ისრაელის წინააღმდეგობებს არსებულზე მეტად არ გაამწვავებს.

ისრაელის დაზვერვის მიერ ირანის დედაქალაქში ჩატარებული ოპერაცია უკვე უპრეცედენტოდაა მიჩნეული:

თელ-ავივიდან 1600 კილომეტრს დაშორებით ისრაელის საგარეო დაზვერვამ („მოსადი“) შესძლო გამოეტაცნა ირანის საიდუმლო ბირთვული პროექტის „ამად-ის“ მთლიანი არქივი და ისრაელში ჩამოეტანა. ჩატარებულ ოპერაციის მასშტაბი კარგად რომ იყოს გასაგები, განვმარტავთ: ეს არ იყო პანია მიკროფილმები, ან ე.წ. „ფლეშები“. ეს არის 100.000 საქალაღდე, ნახაზები, კომპაქტური ფირფიტები საერთო წონით 500 კილოგრამი.

„ალ ჯარიდა“: „მოსადმა“ ირანის ბირთვული არქივი აზერბაიჯანის გზით გაიტანა

კუვეიტიური გაზეთი „ალ ჯარიდა“ ამტკიცებს, რომ მისთვის ხელმისაწვდომი გახდა ინფორმაცია იმაზე, ირანიდან თუ როგორ გაიტანა „მოსადმა“ ბირთვული არქივი. ეს არქივი იანვარში იქნაო გატაცებული — არქივის მასალებით სახსრე ყუთები პატარა სატვირთო მანქანაზე დატვირთეს — სამალავ საწყობთან სატვირთო მანქანა ორი იყო, ორი და ერთნაირი. არქივი ერთ-ერთში ჩაიტვირთა. შემდეგ ეს ავტომანქანები სხვადასხვა მიმართულებით წავიდნენო.

„ალ ჯარიდას“ ინფორმაციით, ოპერაციის მონაწილენი სამალავ საწყობს ფეხით გაეცალნენ. იმ სატვირთო მანქანაში, რომლითაც ირანის ბირთვული არქივი მიჰქონდათ, „მოსადის“ ორი აგენტი იჯდა. არქივი აზერბაიჯანის საზღვართან — სამალავში იქნა მიტანილი. იქ არქივი „მოსადის“ ორ სხვა აგენტს გადააბარეს. მათ არც იცოდნენ, თუ რასთან ჰქონდათ საქმე. არქივი აზერბაიჯანში სასაზღვრო გამშვები პუნქტის გვერდის ავლით იქნა შეტანილი, იქიდან კი თვითმფრინავით — ისრაელში.

ირანის უშიშროების სამსახურს არც შეუტყვია ბირთვული არქივის გაქრობა, რადგან „მოსადის“ აგენტებმა დაცვის ყველა სისტემა გათიშეს და არა-რა კვალი არ დატოვეს.

საინფორმაციო სააგენტო, რომელმაც ეს ცნობა გაავრცელა, ხშირად წერს ისრაელის არმიასა და სპეცსამსახურებზე, მაგრამ ზოგჯერ მის მიერ გავრცელებული ინფორმაცია ოფიციალურად არ დასტურდება. არაბულმა და ირანულმა მხარემ „ალ ჯარიდა“ არაერთხელ დაადანაშაულა ისრაელთან თანამშრომლობაში.

განადგურებული 200 რაკეტა

30 აპრილის ღამეს სირიაში ირანის სამხედრო ბაზაზე თავდასხმისას აფეთქებული იქნა მინიქვეშა ბუნკერები. ამ თავდასხმისას განადგურდა ისრაელზე დამიზნებული 200 რაკეტა, რომელსაც შეეძლო ებრაელთა სახელმწიფოს ნებისმიერ ნერტილში მოხვედრილიყო. „ნიუ-იორკ თაიმსის“ უურნალისტს ბენ ჰაბარდს ეს ინფორმაცია მალაღწინოსანმა წყარომ მიანიოდა, რომელმაც ვინაობის გამხელა არ ისურვა.

იმავე წყაროს ცნობით, თავდასხმისას დაიღუპა 16 სამხედრო პირი, აქედან — 11 ირანელია.

პროირანული კოალიცია ირანის საპასუხო რეაქციას ელოდება, მაგრამ რეაქცია დამოკიდებულია იმაზე, თუ როგორ შედეგს მიაღწევს „ჰეზბოლა“ ლიბანის საპარლამენტო არჩევნებში, რომელიც 6 მაისს ჩატარდება (ლიბანში არჩევნები უკვე ჩატარდა. „ჰეზბოლამ“ პარლამენტში უმრავლესობა მოიპოვა. რედ.) თუ ირანი საპასუხო აქციას არ დააყოვნებს და დღესვე იძიებს შურს, ეს ლიბანში არჩევნებისას „ჰეზბოლაზე“ უარყოფითად იმოქმედებს.

ირანი ისრაელს ადანაშაულებს.

მიმომხილველები გამოსთქვამენ ვარაუდს: თუ ირანი ისრაელს დაარტყამს, ეს ომს ნიშნავს და ისრაელის სამხედრო საჰაერო ძალები ირანელებს ისეთ ზარალს მიაყენებს, ირანი უახლოეს ათწლეულში გონს ვერ მოვაო.

NBC-ის მონაცემებით, ამ ბოლო ხანს ირანმა სირიაში — ისრაელის სიახლოვეს დიდძალი შეიარაღება გადაზიდა, მათს შორის რაკეტა „მინაჰაერი“. აშშ-ს ორი ოფიციალური პირის აზრით, იარაღის ასეთი გადაადგილება გამიზნულია სირიაში ირანის შეიარაღების გაძლიერებისათვის — ყველაფერი ეს ისრაელს უკავშირდებაო.

მოგვიანებით დააზუსტეს: თავდასხმისას დაიღუპა 25 სამხედრო, უმეტესწილად — ირანელები.

აშშ პრეზიდენტის განცხადება

8 მაისს, როგორც ადრე გახლდათ გამოცხადებული, აშშ პრეზიდენტმა გააკეთა განცხადება, რომელსაც მთელი სამყარო ელოდა. პრეზიდენტმა ტრამპმა, როგორც მოსალოდნელი იყო, კიდევ ერთხელ გააკრიტიკა მისი წინამორბედი პრეზიდენტი ობამას გადაწყვეტილება ირანის ატომურ შეიარაღებასთან დაკავშირებით: აშშ-მ 2015 წელს ირანის მიერ ატომური ბომბის შექმნაზე უარის, თქმის სანაცვლოდ ისლამურ სახელმწიფოს სანქციები მოუხსნა (თუმცა როგორც ბინამინ ნეთანიაჰუს განცხადებამ დაადასტურა, ირანი ფარულად მაინც ეწეოდა ურანის გამდიდრებას). 2015 წელს ირანთან შეთანხმებას ხელი მოაწერა აშშ, დიდმა ბრიტანეთმა, რუსეთმა, საფრანგეთმა და ევროსაბჭომ.

8 მაისს კი დონალდ ტრამპმა განაცხადა, რომ აშშ-ს არ მოსწონს ხელშეკრულება და იგი უარს ამბობს მასში მონაწილეობაზე. ეს კი იმას ნიშნავს რომ აშშ განაახლებს ირანის წინააღმდეგ სანქციას.

კიდევ ერთი შეტევა

8 მაისის საღამოს სირიაში, დამასკოსთან ახლოს ალ კასვას რაიონში განლაგებულ სამხედრო ბაზაზე საჰაერო თავდასხმა განხორციელდა. საერთაშორისო სააგენტოები იუწყებიან, რომ საჰაერო თავდასხმისას დაიღუპა 8 ირანელი სამხედრო. არაბული მასობრივი ინფორმაციის საშუალებები იუწყებიან რომ ირანულ სამხედრო ბაზას ისრაელის ავიაციამ შეუტია. მათი მიზანი გახლდათ ისრაელზე დამიზნებული რაკეტების განადგურება. ამოცანა წარმატებით შესრულდა.

სახეები და სიტუაციები

გურამ ბათიაშვილი

(ახალი თავები ნიგნიდან)

ჯანსუღ ჩარკვიანი

ლენინმა უთხრა სტალინსო,
რატომ სჭამ ამდენ მწვანისო,
სტალინმა უთხრა ლენინსო,
შენ უარესი გელისო.

მღეროდნენ ნოდარ დუმბაძე, ჯანსუღ ჩარკვიანი და ტარიელ ჭანტურია. ამ და სხვა ქართველ მწერალთა პიროვნული რაობა რომ შეგეცნოთ, სუფრაზე მათი ლხინისთვისაც უნდა მიგედევნებინათ თვალი და დარწმუნდებოდით, თუ როგორი სულისკვეთებისანი გახლდნენ: თავის გადარჩენისათვის მათს მიერ ნათქვამი ზოგადი ფრაზები, თუ ვალისმოსახდელად დაწერილი სტრიქონები, ჭეშმარიტების, ეროვნული ინტერესების დამკვიდრებისა და უფრო სერიოზულის თქმისათვის გაღებული ხარკი რომ იყო.

ჯანსუღ ჩარკვიანიც ამათი მოდგმისა და ჯიშისა იყო: ქართული სულისკვეთების, ჭირში გამომდგომი და ლხინში — დამამშვენებელი. ტრიბუნაზე მდგარსა, თუ სუფრასთან ამღერებულს, გუშინ, თუ საუკუნის წინათ მომხდარზე მოსაუბრესა, თუ ოპონენტებთან მოპაექრეს, რომ შეეცქეროდი, არაერთხელ მიფიქრია, ალბათ, ასეთი იყვნენ ის ქართველნი. ამ ქვეყნის სახედ და დამამშვენებლად რომ შეურაცხავთ-მეთქი. იმდენად ძლიერი იყო, ათას სიბინძურეს გაუძლო — ტალახის სროლა არ დაიზარეს. მრავალგზის ესროლეს, სწორედ იმათ, ვისაც ყოველდღიურობაში მისი ეროვნული სულისკვეთება უნდა გამოეჩინა, მაგრამ რა, გამოხდა ხანი და ტალახის მსროლელთ ის ტალახი სულზე, სხეულზე მიეკროთ, გატალახიანებულნი შემორჩნენ დრო-ჟამს — სულიც გაიტალახიანეს და სხეულიდანაც ვეღარ ჩამოიფერთხავენ სიბინძურეს, ჯანსუღი კი ნავიდა, როგორც ხალხის გულსთქმის გამომხატველი პოეტი.

ჯანსუღ ჩარკვიანი ჯასულ ჩარკვიანისავე წინააღმდეგაც გამოიყენეს: როცა მისი პოლიტიკური მოწინააღმდეგეები ძალაუფლების ხელში ალებიას, მაშინ, როცა მის მეგობარ სიუხერენზე მიჰქონდათ იერიში, ჯანსუღისავე ლექსით („თავისუფლება ისე არ მოდის, თავისუფლება ლომთა ხვედრია!“) იმხნევედნენ თავს. ეს კიდევ ერთხელ უსვამს ხაზს პოეტის შემოქმედების რაობას — მის სტრიქონებში მოწინააღმდეგე, მტერიც კი ჰპოვებს საზრდოს, იგი ყველასა, ყველას სჭირდება. იმ დღეს იმ სიმღერით პოეტის პოლიტიკურ- იდეოლოგიური მოწინააღმდეგეები ჩარკვიანის სულისკვეთების გამომხატველად წარმოაჩინდნენ თავს. ჯანსუღი კი, სათქმელს გულში არ ჩაიდებდა, ქვეშ-ქვეშა, ზურგსუკან, შეთქმულის ჩურჩულით მთქმელი კი არ იყო, პირში მიმხლელი და შემძახებელი. არ დაახანებდა, ხმამაღლა, ყველას გასაგონად იტყოდა — ისე მადლიანად, ისეთი გზებით, თითქოს შენს სათქმელს ამბობდა. ამან ცხადია, ბევრი გულმხურვალე მოყვარე გაუჩინა, მაგრამ არც აუგად მომხსენიებელი დაჰკლებია. ჯანსუღმა კი თავის აუგადმხსენებელთ პანაშვიდი იმ დღეს გადაუხადა, როცა სამარადისო გზას ადგებოდა — იქ და მაშინ, როცა პოეტი სამუდამო სამყოფელისაკენ მიეშურებოდა — მთანმინდაზე. თუმცა, ამ საქმეში ინიციატივა ჯანსუღს არ ეუფლებოდა — იმათ თავი საკუთარი ნებით და ხელებით მოიჭრეს და იმ კუბოსთან მიაგორეს, რომელშიც პოეტი იწვია.

იმათ რაღა ეშველებათ (მათი სათაყვანებელი ბელადი რომ ცოცხალი ყოფილიყო, რეჟიმის მიმდევართა ასეთი საქციელი მოწონებოდა — ოდიშური აღზრდა მოსდევდა), სხვათა, მოქილიკეთა და აუგად მახსენებელთა გასაგონად მინდა გავიხსენო: სადაც კი მივდივარ, ლხინის სუფრა იქნება, თუ ჭირისა, ჯანსუღიც იქ არის, სუფრის თავშია მოქცეული. ადამიანები მის სტრიქონებს იშველიებენ, რომ თავიანთი გულისნადები უკეთ გამოთქვან. არაერთხელ მსმენია ჭარმაგი კაცისა, თუ ჭაბუკის მიერ წარმოთქმული:

**მწყურვალისათვის მიმატანინე წყალი,
მოვალისათვის მიმატანინე ვალი,
გზაბნეულისათვის მასწავლებლენე გზები,
შეუნამლავი შემანამვლინე ზვრები...**

მიცვალებულს კი არ გადაუდგნენ წინ, იცხოვრონ ამ სულისკვეთებით, ასეთი რწმენა ჩაუწერონ ადამიანებს — ნაცნობსა, თუ უცნობს, ჭაბუკსა და ზრდასრულს, თქვან ჯანსუღისდარი სტრიქონები და „მერე წამოვალ, წამოვალ, საცა გინდა“

ლაშა შვანია

ელჩიც იყო, პარლამენტის წევრიც, მერე საპარლამენტო კომიტეტის თავმჯდომარეც, მინისტრიც და... მაგრამ შემგუებელი, ლაქუცა არ ყოფილა და არ არის, არც თავის წამდაუნწმ დამკვრელი — თავისუფალი პიროვნებაა — ღვთის მიერ ბოძებული სიცოცხლით ბედნიერი და მხოლოდ ღვთის განაწესს უკრავს თავს, მუხლსაც. ამიტომ იყო: როცა ამ ქვეყნის უზენაეს პირს, გამგებელს გუშინ მისსავე მიერ დანიშნული მინისტრისა რაღაც ამ მოეწონა, თუ ამან — ლაშამ მიიჩნია ამ ქვეყნის უზენაესის მიერ არჩეული გზა და მეთოდი სახელმწიფოს მართვისა მის სამშობლოს არა-რა სიკეთეს არ უქადდა (კონკრეტულად რა როგორ იყო, არც ვიცი და ეს არც არის მნიშვნელოვანი. მთავარი ის არის, რომ ერთმანეთს ირიბად დაუწყეს ცქერა), ეს ყმანვილი მინისტრის სავარძელს არ გაეტირა — შინისაკენ გაემშურა და ერთ ჩვეულებრივ ვენურ სკამზე დაჯდა. ყველაფერი ეს ისე უხმაუროდ მოხდა, თითქოს ნიგნი ფანჯრის რაფაზე რომ იდო, ვიდაცამ აიღო და ბუხრის თავზე შემოდო. არც ვაი-ვიში აუტეხნია, არც ხელისუფლის ლანძღვა-გინებით უჯერებია გული. ისე უბრალოდ გაეცალა, როგორც წყლის გუბეს უქცევენ გვერდს. არადა, დღეს ასე არ იქცევიან — დღეს ხელისუფალთ ერთ ამბავს აწევენ — კრიჭაში უდგებიან, ათას ტყუილ-მართალს ახვავებენ მასზე, თუ მის ირგვლივ შემოჯარულ ადამიანებზე. ასე რატომ მოხდა — რა გახლდათ მშვიდად გაცლისა და ცხოვრების ჩვეულებრივად გაგრძელების განმაპირობებელი? განონასწორებული სულიერი ცხოვრება. ასეა, როცა პიროვნება სულიერ ცხოვრებას ეწევა. ადამიანთა ერთ — (დიდ) ნაწილს მიაჩნია, რომ კაცის ღირსების საზომი ფინანსური ძალა და იმ სკამის სიმალეა, რომელზეც ზის. ერთიც ანგარობა-

სანეცია და მეორეც, მოგწონს ეს თუ არ მოგწონს, ფაქტია და მათი უარყოფა შეცდომა იქნებოდა, მაგრამ ასე მგონია, მთავარი რჩებათ მხედველობიდან. მთავარს ვერ შესწვდომიან და სხვა რაღა დარჩენიათ — რაღაცით ხომ უნდა ზომავდნენ ამათუიმ პიროვნების რაობას. ეს მთავარი კი მაინც სულიერებაა: როცა პირველს სასხვათამორისოდ კი არ იწერ, მოსეს ხუთნიგნეულსა, თუ ლოცვანს იმიტომ კი არ ემთხვევი, რომ გაგიგონია, ასე სჯობსო, ან მუსლიმთა სათაყვანებელ ნიგნს იმიტომ კი არ ჩასცქერი, რომ მამაშენიც ასე ირჯებოდა, არამედ ყველაფერი ეს შენი სულიერი მოთხოვნილებაა, ასე გნამს და გჯერა. როცა სიცოცხლე უამისოდ ვერ წარმოგიდგენია, სულს ღვთაებრივი შუქი გისხივოსნებს და სიკეთისაკენ ხარ მიდრეკილი.

ლაშა არც ელჩობას შეუცვლია, არც პარლამენტარობას და არც — მინისტრობას. ისეთივე დარჩა, როგორც იყო, მაშინ, საუკუნის დამდეგს ისრაელში საქართველოს საელჩოში რიგით მრჩევლად რომ მუშაობდა — მოძრავი, კეთილისმსურველი, ყოველთა — დიდისა თუ პატარას, გამგები და ქომავი, ადამიანთა სულელებში კეთილი სანყისის მაძებარი და ამომზიდავი. არ მაინწყდება, თუ როგორ გაისარჯა, როცა ისრაელში ვიღებდით დოკუმენტურ ფილმს „დაგვიანებული კადიში“ — ჩვენი თარჯიმანიც იყო, წამოჭრილ სირთულეთა მომგვარებელიც და მრჩეველიც. ლეგენდარულ გენერალ არიელ შარონს — ისრაელის იმდროინდელ პრემიერ-მინისტრს, მისი პირით ვესაუბრებოდით. ისიც კარგად მახსოვს, შარონის სამოსახლოში ყოფნისას, პრემიერ-მინისტრმა როგორ გაიშინაურა ლაშა. ალბათ, ჩვენი საუბარი ამის გამოც გახდა საგულდაგულო, თითქოს კარგა ხნის ახლობლებმა შევიყარეთ თავი.

...პურობა გვექონდა. ქართული თეატრის, მეცნიერების ღირსეული კაცები — ნამდვილი და არა დევალვაციის ეპოქაში გადოქტორებულ-გაპროფესორებულნი- უსხდნენ სუფრას — ათიოდე კაცი. პურობაც იყო და საქვეყნო საკითხებზე საგულდაგულო საუბარიც, ისე, როგორც ნამდვილ, სულითა და შემეცნებით ქართველთა თავშეყრას სჩვეოდა და სჩვევია დღესაც. ლაშა შვანია მოგვიანებით შემოგვიერთდა. ორი-სამი სადღეგრძელო თქვა, მეინახეთა საუბარშიც ჩაერთო და ნავიდა — საპარლამენტო არჩევნები ახლოვდებოდა, ლაშა ნაციონალური მოძრაობის დეპუტატად შეეგულეებინათ, სუფრაზე მყოფ მეცნიერთა და ქართული თეატრის ამ ჩინებულ მოღვაწეთაგან კი რამდენიმე ნაციონალური მოძრაობას დღეც ებრძოდა და ღამეც, ძილშიც და მღვიძარაც, მაგრამ... ესენი ნამდვილი კაცები, იყვნენ და არა ოპოზიციურად დაპროგრამებული რობოტები. ლაშა ნავიდა თუ არა, ყველა იმაზე აღაპარაკდა, რაოდენ ღირსეული, დიდებულად მოაზროვნე ახალგაზრდა შედიოდა პარლამენტში სწორედ მათთვის საძულველი პარტიიდან. ოპოზიციური სულისკვეთების გამო ჭეშმარიტებას არცერთმა არ აქცია ზურგი.

ყველაფერი ამის ფინალი თავშივე ითქვა — ლაშა დეპუტატიც გახდა, მინისტრიც და არავის არც ერთ ამათგანს — ისევე თეატრის მოღვაწეებსა და მეცნიერებზე მოგახსენებთ, არ გაჰკვირვებია ახალგაზრდა კაცის ასეთი წინსვლა.

მერე კი... ლაშა, როგორც გითხარით, შინ ნავიდა და ვენურ სკამზე დაჯდა. არც ეს გაკვირვებიათ. გიგა ლორთქიფანიძემ, ეს ამბავი რომ ვუთხარი, ჩაილაპარაკა: „სხვანაირად არც შეიძლებოდა, კიდევ კარგა ხანს გაუძლო!“

მას შემდეგ ლაშა შვანია საქართველოს კათოლიკოს-პატრიარქის — უწმინდესისა და უნეტარესის ილია მეორის გვერდით დგას. ეს კი ადასტურებს მის პიროვნულ რაობას.

ლაშა ებრაელიც არის და ქართველიც. როცა კათოლიკოს-პატრიარქემ-მისადმი დიდ პატივისცემასა და სიყვარულზე საუბრობს, მზერა უბრწყინდება. სათავე? სად არის ამ სიხარულის სათავე? რწმენისაკენ გაუნელებელ სწრაფვაში. ნაკლებად მორწმუნეები, ან სულაც განმდგარნი, იმაზე საუბრობენ, რაც ადამიანებს ამორიზორებთ, ანცალკეებთ, ჭეშმარიტი მორწმუნენი კი იმაზე ლაპარაკობენ, რაც ადამიანებს აერთიანებთ. არადა, ადამიანებს ათასგზის მეტი აერთიანებთ, ვიდრე ამორიზორებთ. ვიღაც გატლექილი უბირი ებრაელობაზე ისე გაივლ-გამოვილის, თმა ყალყზე დაგიდგება, ბრძენ-კაცის — უწმინდესისა და უნეტარესის-ილია მეორისაგან კი ებრაელობის ღირსებებზე იმდენი მსმენია, შინ მობრუნებულს კვლავ წინასწარმეტყველთა, თუ ოსებ ფლავიუსის ნაწერები გადაამიშლია.

სამყარო რომ ლაშასებრი ადამიანებით იყოს სავსე, იქნებოდა საყოველთაო მშვიდობა და შრომის, სიყვარულის, სიკეთისათვის გარჯის სუფევა, მაგრამ ალბათ, უზენაესის ნებაა, ავიც არსებობდეს, სიკეთისაკენ მიდრეკილი მეტად რომ გამოვარჩიოთ და დავაფასოთ. ეს კი, ის, რის სურვილსაც მე გამოვუქვამ, მესიის მოსვლას უკავშირდება. ებრაელობა კი ათეულობით საუკუნეა მესიას ელოდებიან.

ემზარ კვიციანი

ემზარზე ფიქრისას მეხსიერებაში უმალ ის ათასი ჭირ-ვარამი წამოტივტივდება, რაც მას გამოუვლია. ცხოვრებამ რამდენი ძირმწარი დაუდო თავით, რამდენჯერ მოუწყო დიდი განსაცდელი, არადა, ერთბაშად მდიდარ კაცად მესახება. არა იმ კუთხით, როგორც სიტყვა „მდიდარის“ ნაკითხვისთანავე მავანი გაივლებს გულში — ფინანსურად მასაც ისეთივე ავდარი უდგას, როგორც მის ბევრ თანამოკალმეს, თუმცა, როდის ყოფილა არსთა გამრიგეს ყველანაირი სიკეთე უბოძებია ადამიანისათვის — ემზარის სიმდიდრე მისი უნიკალური ნიგნებია. კარგი ლიტერატურის საუფლოში ცხოვრობს. რაც მას ჩემთვის დიდებული ნიგნები უთხოვებია — ძალიან იშვიათი, ძველისძველი გამოცემები, ის რომ გასაყიდად გაიტანოს, ალბათ, სულს მოითქვამს, მაგრამ არა: ემზარი ნიგნიერთა თაობის შვილია, იმათი ნაგრამი სიმდიდრედ ადამიანის ნიგნიერებას რომ მიიჩნევდა და ეს მეცხრე ათეულში გადამდგარი კაცი კარგ გამოცემებს კვლავ სანთლით დაეძებს, თუ სადმე წააწყდება, კვლავ შინ მიაქვს. ისე მოგახარებს ესა და ეს ძვირფასი ნიგნი შევიმატეო, თითქოს კიდევ ერთი ბიჭი შესძენოდეს.

ბევრი რამ იცის, ბევრ რამეს ჩასწვდა და ამიტომ მის ესეებს ყოველთვის ველოდები. „რქანითივლას მტევანი“ ჩვენს ლიტერატურულ პრესას ამდიდრებს. ლიტერატურულ ცხოვრებას საინტერესოს ხდის. ზურაბ კიკნაძის, გივი შაჰნაზარისა და თავისი სიჭაბუკის ამბავი ისე ცოცხლად, ხატოვნად აქვს აღწერილი, მომეჩვენა, მეც იქ ვიყავი, თითქმის იმ ამბების მონაწილე გამხადა. თუნდაც რეზო ჭეიშვილის ცხოვრების ფურცლების მისეული შევსება გავიხსენოთ. ჩვენი დიდებული პროზაიკოსის ყოფის, შემოქმედების ისეთი ნახსენებები წარმოგვიჩინა, განსაკუთრებით მისი მიმართება თეატრალურ ხელოვნებასთან, რომ კიდევ უფრო გამდიდრა ჩვენი ცოდნა მასზე. ერთ-ერთ ესეში ბაყაყთან შეხვედრა-მიჩვევის ამბავი სწორედ მწერლური ოსტატობით აქვს დაწერილი და მიუხედავად იმისა, რომ ბაყაყი არ უნდა იყოს მიჩნეული

ფლორისა და ფაუნის მარგალიტად, ერთობ დასამახსოვრებელ „პერსონაჟად“ აქცია. სწორედ აქ ჩანს მწერლის ოსტატობა,

ამიტომ სრულიად ბუნებრივად მეჩვენება მისი სურვილი დაწეროს ნიგნი კატეგორია. ამ რამდენიმე ხნის წინათ ბროდვეიზე ვებერის დიდებულ მუზიკლს „კეტს“ („კატები“) რომ ვუყურებდი, ვინატრე, ნეტავ, ემზარიც აქ იყოს, ისიც ასევე უყურებდეს-მეთქი ამ მუზიკლს — იმდენად საინტერესოდ, მრავალფეროვნად იყო წარმოდგენილი კატების ცხოვრება, მჯერა, ემზარს კიდევ უფრო გაუძლიერდებოდა, ამგვარი ნიგნის დაწერის სურვილი. ისიც მჯერა, ემზარი მაინც დაწერს ამ ნიგნს და გაამდიდრებს ქართული მკითხველის ცოდნის არეალს. ხოლო რაც შეეხება ანა ახმატოვაზე დაწერილ ლიტერატურულ ნარკვევს, ეს არის ჩინებული ნიმუში პოეტის ღვაწლსა და ტკივილებზე ფიქრისა. პოეტისადმი როდენი პატივისცემა იკითხება ამ ნაღველით გაჟღერებულ ტექსტში. და ეს ყველაფერი ანა ახმატოვა და მარინა ცვეტაევას მემკვიდრეობის ჩინებულ ცოდნასა და ანალიზთან ერთად.

ორ ათეულ წელზე მეტია ჩვენი გამომცემლობები ისეთ ლიტერატურას სცემენ, მათი ნაკითხვა ოცნებად რომ გვექონდა გადაქცეული. მაღლობა მათ ასეთი გარჯისათვის. კიდევ უფრო დიდი მაღლობა იმისათვის, ჩაგვახვედრეს, თუ როდენ დიდი მნიშვნელობა ჰქონია რეკლამას, როგორც დღეს ეძახიან ნიგნის, მწერლის გაპიარებას, თორემ რამდენი ქართველი მწერლის ნიგნი და მათს შორისაა „რქანთელას მტევანიც“...

აქ შევჩერდები, თორემ ვილაც მეტიჩარა ყალბი პატრიოტობის იარაღებს მომაკერებს. დღეს ესეც გაიოლდა.

ჯემალ სეფიაშვილი

ჯემალის მიერ კარგა ხნის წინათ ნათქვამი ერთი ფრაზა დროდადრო ჩამეხსენებოდა: „სიმღერა, მუსიკა მმართველ პარტიასაც სჭირდება და ოპოზიციასაც, ჩვენ ჩვენს საქმეს მივხედოთ, თუ ისეთი ვიქნებით, როგორც უნდა ვიყოთ, დაგვისაჭიროებენ, დაგვიძახებენ, არ დაგვიძახებენ და...“

ერთ დროს აუხიროდნენ — „ჭიკჭიკებდნენ“ კომკავშირის, პარტიის საამო სიმღერებს ქმნიდა. თავის გამოჩენის ეს დაუცხრომელი მოტრფიალენი, მწერი გონებისა და განათლებისა ყოფილან და ვით ჩასწვდებოდნენ, მელოდია, სიმღერა ხალხისათვის იქმნება — იმისათვის, რომ ადამიანებს სიხარული მიანიჭოს. და თუ ასე არ არის — თუ ხალხმა სიმღერაში თავისი სული, ბუნება ვერ ჰპოვა, ისე უბრალოდ აუქცევს გვერდს, თითქოს სმენა სამარადისოდ ჰქონდა დახშული. ჯემალის სიმღერებს კი მღეროდნენ და ისმენენ. ეს იმიტომ რომ ადამიანებისათვის ქმნის, ადამიანის ტკივილსა და სიხარულზე. ეს ადამიანები-კაცნი, თუ ქალნი კი, ხან კომკავშირელები არიან, ხან ამათუიმ პარტიის წევრები, ხანაც ამათუიმ პარტიის ლიდერობის ამოვსებელი (მერე კი — მაძაგებელი), ხან ჩვეულებრივი, რიგითი მოქალაქენი, ხანაც .. და მაინც უწინარესად, ადამიანები — უყვართ, სძულთ, უხარიათ, სწყინთ, მღეროდნენ და თქვენ წარმოიდგინეთ, ზოგჯერ ცრემლიც ადგებთ თვალებზე და ეს კიდევ ერთხელ დადასტურებს, რომ ადამიანები არიან. ამიტომ სჭირდებათ სიმღერა. ასე რომ არ იყოს, იმ სიმღერებს ისევე უცებ გადაისვროდნენ ნავაგში, როგორც დილას გამოსულ გაზეთს — ესეც ხომ პარტიასა და კომკავშირზე წერდა. იშვიათია შემთხვევა, ჯემალის სიმღერა, მელოდია ქართველთა გულს არ ჩასწვდეს.

...ჯემალ აჯიამილი და მე ჩინებულ ებრაელ მოღვაწე კაცთან — რაფიელ ელიგულაშვილთან ვისხედით. ქვეყანას ძნელბედობის ჟამი ედგა და ქართველი ებრაელთა სახელით მშობლიური ქვეყნის მოსახლეობის გასამხნეველად გვეწადა შეგვეძახნა. განცხადების ტექსტი შედგენილი მქონდა. ნავიკითხე, რამდენიმე სტრიქონი ჩავამატეთ და იმაზე დავინყეთ ბჭობა, თუ ვის, რომელ ქართველ ებრაელს უნდა რეგებოდა ამ განცხადებაზე ხელისმომწერის პატივი. ცხადია, ლიბერული ვარჩევდით. ვიცოდი, ჯემალი სეფიაშვილი კოლექტიურ განცხადებაზე ხელისმომწერას თავს არიდებდა, ამიტომ მისი სახელი არც მიხსენებია. ბატონმა რაფიელ ელიგულაშვილმა, ათას ჭირ-ვარამ გამოვლილმა კაცმა (გულაგიც არ დაკლებია), თითქმის კატეგორიულად მოითხოვა, ჯემალ სეფიაშვილს მოანერჩინეთ ხელი. ვუთხარი, ჯემალი ასეთ წერილებზე ხელისმომწერას თავს არიდებს-მეთქი. არაო, უნდა მოანერჩინოთ — მაგ კაცმა თავისი „ტიტებით“ მთელ საქართველოს გაუთბო გულიო. ეს ის დრო იყო, ჩვენივე წინდაუხედაობით ჩანისხული ქვეყანა რომ კვნესოდა. ჯემალ სეფიაშვილის „ტიტებმა“ კი იმ წლებში ძალიან დიდი მისია იყო თავს — გამოავლინა ერის სულიერი ძალა, სიბრძნე და როგორც რაფიელ ელიგულაშვილმა ბრძანა „მთელ საქართველოს გული გაუთბო“

ჯემალი ქართველიცაა და ებრაელიც. ებრაული ტრადიციით ქართველია, ქართული ტრადიციით — ებრაელი. დედა არაებრაელი ჰყავდა, მამა კი — ებრაელი. ებრაული ადათით უპირატესობა კი იმას ენიჭება, ვინც ადამიანი შობა და ძუძუ ანოვა. თუ ვინმეზე ითქმის, ორი ერის ღვიძლი შვილიაო, სწორედ ჯემალია ასეთი. განა მხოლოდ გენეტიკურად ეკუთვნის ორ ერს, თავისი მრწამსით, ცხოვრების წესით, შემოქმედებით. მისი ერთი სიმღერა „შალომ, ისრაელ, შალომ!“, რომლის ტექსტი მორის ფოცხიშვილმა დაწერა, ქართულ-ებრაული ურთიერთობის ჰიმნად მიმარჩნია — ქართველთა სულისკვეთებაც — გულგახსნილობა, მეგობრობის ნიჭი, ჟღერს და ამ მიწის სიყვარულით ამღვრებული ქართველი ებრაელისაც. ამიტომ იყო: საქართველოში გამომაგალი ებრაული გაზეთის „მენორა“ (შეიქმნა ნათელიანი შმნდალი, სასანილე) საიტს რამ ვქმნიდით, მუსიკალურ გამყოფად სწორედ ეს სიმღერა ავირჩიერა ხანია „მენორას“ საიტზე (წ.წ.მენორა.გე) შემსვლელ მკითხველს, ასეთი კი ათასობითაა ევროპაში, თუ აზიაში, აღმოსავლეთსა, თუ დასავლეთში, ჯემალის ხმა და მელოდია ეგებება. სულ დამდევს ფიქრი, რომ მორისმა ეს ლექსი ერთ თავის მეგობარ ებრაელ კაცზე — მიმა კრიხელზე დაწერა. ჩინებული პიროვნება იყო-ისრაელიდან წამოსვლისას მორისთან ყოველთვის მოკითხვას მაბარებდა.

ჯემალი რომ მხვდება, სულ ეგ „შალომ, ისრაელ, შალომ!“ ჩამეხსენებდა და ერთი კარგი თბილისელი კაცი- ბატონი სიმონ იოსებაშვილი-ჯემალის სიმამრი, მაგონდება. მასზე უფრო კეთილისმსურველი პიროვნება თითქმის არ შემხვედრია. ეს ერთობ ხანდაზმული კაცი, მუდამ მზად იყო, ყმანვილისთვისაც კი გარჯილიყო. ჩემს სახლოვებს ცხოვრობდა, სიარული რომ გაუჭირდა, ფეხები გულიწინადად რომ ვეღარ ჰყვებოდა, თავისი სახლის წინ ჩამოჯდებოდა და გამვლელ-გამომვლელ კეთილ მზერას ადევნებდა. დაბეჯითებით ვერ ვიტყვი, ასე იყო, თუ არა, მაგრამ მაგონია, ადამიანებს ლოცავდა. სახლიდან გასვლისას არაერთხელ მიფიქრია, ნეტა, ბატონი სიმონი იქ იჯდეს, რომ ჩავივილი, მივესალმო და მომესალმოს-მეთქი.

ჯემალ სეფიაშვილი თავის მუსიკალურ მუზას ქართველ პოეტთა ლექსებში ჰპოვებდა. ამათგან გამორჩეული მორის ფოცხიშვილი და ჯანსუღ ჩარკვიანი იყვნენ. დღეს აღარც ერთია და აღარც — მეორე. ნეტავ, ქართველ პოეტთა შორის კვლავაც თუ იპოვის, თავისი მუზის გამაცოცხლებელთ?

ტარიელ ჭანტურია

ეს „ჭანთურია“ (მისივე გამონათქვამია) უკვე ორი რვიანისაკენ მიემზრება და სადაცაა ამ ასაკსაც მოილევს — დაბეჯითებით ამბობს, ორი ექვსიანი ხომ გამოვიარე (66 წლისა რომ გახდა), ორ შვიდიანსაც ხომ დავუქნიე ხელი (ეს, როცა 77 წლისა გახდა), ახლა ის უნდა ვნახო, ორი რვიანი რა არის, როგორი ფერ-ხორცი აქვსო. მე კი დიდი სურვილი მაქვს და მჯერა, ორ ცხრიანსაც გადალახავს და წუთისოფელს ისე ჭვრეტს, ყოფას ისეთი ირონიული ლიმილით შესცქერის, კვლავაც ისეთივე ცინცხალი აზროვნებისა იქნება, როგორც ადრე იყო და დღეს არის. ტარიელი იმ პოეტთაგანია, რომლებიც დღევანდელი მონაწილე მონაწილეთა ვიწვევს ყავლს აცლის. დღეს ბევრი ჩივის მწერლობა — ლექსი, პოეზია, პროზა არავის უნდა, ქვეყანა პარლამენტართა, დიდმოხელეთა და კრიმინალთა საასპარეზოდ იქცა, ხოლო ქართული ტელევიზია ამათი ქიშპისა და კრიმინალთა ყოფის ქრონიკაა და სხვა აღარაფერიო. არც უამისობაა — ხალხს ისეთ სურათს წარმოუჩინენ, თითქოს ამ სახელმწიფოში არაფერი სასიკეთო არ ხდება. არადა, მინაც იხვენება, ნიგნებიც იწერება, მეცნიერებიც ირჯებიან, ახალგაზრდობა კი ათას პროფესიულ საიდუმლოს სწვდება.

ტარიელ ჭანტურია ამ ფონზეც იმ შემოქმედად დარჩა, რომლის სიტყვას გულდაგულ უსმენენ. ერთობ სასიამოვნო და მრავლისაღმთქმელია ის, რომ ორი რვიანის მიჯნაზე მდგარ ორ ქართველ პოეტს, ახალი თაობის ყურადღება სდევს თან. ტარიელ ჭანტურია და ვახტანგ ჯავახაძე ხომ წინა საუკუნეები დაიბადნენ, დაეჟაკაცდნენ და შემოქმედებითად ჩამოყალიბდნენ, მაგრამ ისე ეკუთვნიან ჩვენს დროს, ისე გამოხატავენ მის მთავარ ტენდენციებს, ბარე ათი და მეტიც ორ სამიანს მიღწეული თუ გადაცილებულიც რომ ვერ დაიკვივნის. ალბათ, არც ის არის შემთხვევითი, რომ თბილისის სახელმწიფო უნივერსიტეტში ერთ ფაკულტეტზე, ერთ ჯგუფში სწავლობდნენ ოთარ ჭილაძე, რეზო ინანიშვილი, თამაზ ბიბილური, ჯანსუღ ჩარკვიანი, ვახტანგ ჯავახაძე, ტარიელ ჭანტურია. ხომ არის ეს ქართული მწერლობის პატარა პანთეონი!

ამასწინათ ერთი საყურადღებო ფაქტის მონმე შევიქმენი: ლიტერატურული საღამო ტარდებოდა ახალგაზრდობის მოსულიყვენ — მეცნიერნი, შემოქმედნი. ყველას იქით ჰქონდა ყური, ტარიელ ჭანტურია რას იტყვისო. ისიც კი სიამოვნებდათ, ტარიელ ჭანტურია და ესენი ერთ დარბაზში რომ ისხდნენ. ამ ამბავმა კიდევ ერთხელ დამარწმუნა, რაოდენ ამაოა მავანთა და მავანთა ფართი-ფურთი. ვილაც ხმაურობს, ვილაც დილა-სალამოს ტელეეკრანიდან ხალხს მოძღვრავს, ზოგჯერ თითსაც კი უქნევს, ჩემი რატომ არ შეისმინეთო, ტარიელი კი საბურთალოსზე შინ ზის, კითხულობს, წერს, ხანდახან არც ბანქოს თამაშზე ამბობს უარს, ათასში ერთხელ თუ იტყვის რამეს და აი, როგორ უგდებენ ყურს, როგორ ელოდებიან მის სიტყვას, მისი ხმის გაგონებას.

უფალმა ინებოს ჩემი სურვილის ახდენა: ტარიელი უხმაუროდ აუვლის გვერდს ორ რვიანს, მერე ორ ცხრიანსაც გადალახავს და კვლავაც ასეთი იქნება: ცოტა ირონიული, სარკასტულიც კი. სხვაგვარი ტარიელი ვერც წარმომიდგენია!

თემურ ყვითელაშვილი

თემურ ყვითელაშვილს ვიცნობ. გამიჭირდება ვთქვა, ახლობლობა მაქვს-მეთქი. ჩვენი შეხვედრები, მასთან ნაწყვეტ-ნაწყვეტ საუბრები (დიდი ოქროპირი არც უნდა იყოს), ერთმანეთს რომ გადავებათ, ალბათ, ნახევარი საათი თუ გამოვა. ამიტომ არ ვიცი, როგორია — დამთმობი, თუ ჯიუტი, მომთხოვნი, თუ ცხოვრებაში, შემოქმედებაში იოლი გზების მაძებარი. არც ის ვიცი, როგორია ნიგნთან მიმართებაში — არის თუ არა ნიგნიერი კაცი. ადამიანის რაობაზე ფიქრისას, მისი ნიგნიერება, ხომ ერთ-ერთი მთავარი კრიტერიუმი. ამიტომ ის, რასაც თემურიზე ვწერ, ნაცნობი კაცის შთაბეჭდილება უფროა, ვიდრე მასთან სიახლოვით, გულდაგული დაკვირვებით განპირობებული. არ ვიცი რაოდენ ახლოს ვარ რეალობასთან, მაგრამ მაინც ვფიქრობ, სწორედ ასეთი უნდა იყოს: თემურის კონცერტებზე ვყოფილვარ, ტელევიზიითაც არაერთხელ მინახავს, მომისმენია მისი შესრულება, ასეთისე კონტაქტიც მქონია და შემექმნა შთაბეჭდილება, რომ ჯიუტი უნდა იყოს. დამყოლი, პროფესიაში იოლი გზის მაძებარი კაცი ისეთ შემოქმედებით დონეს ვერაფრით ვერ მიაღწევდა, როგორსაც თემური ენია. ამათუიმ ნაწარმოების შესრულებისას, მის-სავე სახეზე ამოიკითხავთ: ის, რასაც შემოქმედებითად აღწევს, დიდი, ჯიუტი შრომის ნაყოფია, ეს მტანჯველი და ამავე დროს ბედნიერების განმაპირობებელი შემოქმედებითი ღწვა, სახეზევე აწერია. ამას პირველი არ ვამბობ, ათასგზის უთქვამთ: სხვას, რომ სიხარული მოუტანო, სხვა რომ ბედნიერჰყო, თავად უნდა გასწირო ბევრი რამ: დრო, ენერჯია, ჯანი. ზერელე, ჰაიპარად მოფიქრალთ ჰგონიათ: „ასეთი რა მოხდა, აილო და დაუკრა“, „ნუ, რა არი, იმ-ლერა (დაუკრა, დახატა, დანერა) და გაგვახარა!“

საქართველოში გიტარისტი მსახიობის, მომღერლის, მოცეკვავისამებრ უზარმაზარ დარბაზებს ვერ გაავსებს. მისი მსმენელი სწორედ გიტარის ძლიერ მოტრფიალედ ადამიანები არიან. თუმცა, თემურის კონცერტებზე თბილისსა, თუ სხვა ქალაქებში ე.წ. „ფართო“ მაყურებელიც ბევრი მინახავს. ამ რამდენიმე წლის წინათ, ისრაელში მიიწვიეს, იმ დღეებში მეც იქ ვიყავი და კომპოზიტორმა სოსო ბარდანაშვილმა წამიყვანა ამდოღმი, კონცერტზე. სანაძლეოს ჩამოვალ იმ დიდ დარბაზში გიტარის მოტრფიალედ 20-30 ადამიანი თუ იქნებოდა — უმეტესად არაქართველი ებრაელები, ე.წ. „საბრები“ (ისრაელში დაბადებულ-აღზრდილნი), მაგრამ ის ხალხიც „ფართო“ მაყურებელს რომ ვეძახით, სულგანაბული უსმენდა. ისინი კონცერტზე საქართველოდან ჩასული შემოქმედის-თემურ ყვითელაშვილის სახელმა მიიყვანა, მაგრამ ჭემ-მარიტმა ხელოვნებამ მონუსხა. თემურიმ სწორედ თავგადადებული შრომით მიაღწია ასეთ დონეს. ამიტომ ფიქრობ, ჯიუტი კაცი უნდა იყოს-მეთქი. ასეთნი ცოლს, შვილებს, საკუთარ ჯანმრთელობას აკლებენ ბევრ რამეს და ხელოვნებას სწირავენ. უკომპრომისობა მის ინტერვიუებშიც კარგად იკითხება — ერთ მისხალს არ დათმობს, უწინარესად, თავის თავს არ პატიობს — თავს ებრძვის, რომ სასურველ საშემსრულებლო დონეს მიაღწიოს და სხვას რატომ, რისთვის გაუიოლებს გზა-სავალს?

ამ პიროვნებისადმი ჩემი დამოკიდებულების თავი და თავი მისი პროფესიონალიზმია, მაგრამ განსაკუთრებული პატივისცემელი მაშინ შევიქმენი, დედა რომ გარდაეცვალა — მიცვალებულის სულის საოხად, არაფერი დაუშურებია — დილა-სალამოს იმ ლოცვა-კურთხევას მიაგებებდა, რომელიც მიცვალებულის სულს შფოთვასა და მოუსვენრობას განარიდებსო, ამბობენ. არ ვიცი, დაბეჯითებით ვერ ვიტყვი, მიცვალებულთ რამდენად ეწევა ჩვენი გარჯა-ლოცვანი, მაგრამ ჩვენ კი ნამდვილად გვეგვის შევებას — მიცვალებულისათვის გავისარჯეთ ე.ი. მასთან კავშირს არ ვწყვეტთ.

ევრ-აზიის ებრაელთა კონგრესი და „ჯოინთის“ პირველი წარმომადგენელი კავკასიის ქვეყნებში — მენახემ ელაზარი გინვევთ საქართველოში გამომავალი გაზეთ „მენორას“ დაარსების 25 წლისთავის აღსანიშნავ საღამოზე.

„მენორას“ მეოთხედსაუკუნოვანი იუბილე მიულოცეს საქართველოს პრეზიდენტმა გიორგი მარგველაშვილმა და საქართველოს პრემიერ-მინისტრმა გიორგი კვირიკაშვილმა.

მივულოცოთ ჩვენც!

საღამო გაიმართება ბათ-იამში, „ეშქოლ ჰაპაისის“ დარბაზში — დეკელის ჩიხი №5 (შესასვლელი ჰარავ ლევის ქუჩიდან) 2018 წლის 7 ივნისს, საღამოს 7 საათზე.

„დედა ენის დღე“

დედა ქართული მარტო ენაა? ქართული ქართველთ რწმენაა, ღმერთია, ბედისწერაა, ზღვა როა, იმოდენაა.

ჰაბუა ამირეჯიბი

ეს სტრიქონები მეტი სიმძაფრით აღიქმება დიასპორაში მცხოვრები ქართველებისათვის. ამიტომაც მოეყარათ თავი ისრაელში დიასპორის წარმომადგენლებს ღონისძიებაზე „დედა ენის დღე“, რომლის ინიციატორები გახლდათ დიასპორული ორგანიზაცია „მამული“ — ის თავმჯდომარე ირაკლი კილაძე და ისრაელში ქართული კულტურის ცენტრის ხელმძღვანელი მარინა გელაშვილი. ამ გაერთიანებულ შეკრებაზე მონაწილეები გახლდნენ საქართველოს საელჩოს წარმომადგენლები, მანანა დუმბაძე და ხათუნა პაპინაშვილი. ქართველ ებრაელთა თემის წარმომადგენელთა დასწრება კი მოწმობდა იმას, რომ ისრაელშიც და საქართველოშიც ამ ორი ხალხის ძირძველ მეგობრობას მოფერება და გაფრთხილება სჭირდება. რა ბედნიერებაა, როცა ამას საქმიანი ქმედებით ადასტურებენ და არა რუპორით.

ამგოსფერო მართლაც საოცარი იყო იმ მოსაზრებით, რომ ყველას აერთიანებდა „დედა ენა“, მისდამი სიყვარული, მისი შენარჩუნების აუცილებლობა ყველგან, სადაც კი ქართველები სახლობენ ნებით თუ..... და რაც მთავარია, ზრუნვა ენის სინმინდებზე. თავის გამოსვლებში მანანა



დუმბაძემ, მარინა გელაშვილმა, ლია კრიხელმა და ირაკლი კილაძემ. მოიყვანეს სხვადასხვა დროს მოღვაწე დიდი ქართველი მწერლების, ენათმეცნიერებისა თუ საზოგადო მოღვაწეთა გამონათქვამები, რომელშიც ამკარა იყო შიში ენის დაბინძურებისა და დამახინჯების გამო.

ცნობილი ადვოკატი, ბატ. მოშე საპირმა, რომელსაც დიდი წვლილი მიუძღვის „მამულის“ იურიდიულად და კანონიერად დამტკიცებაში, თქვა რომ თუ ებრაული ყოფა საქართველოში

ჩვენი წინაპრების დამსახურება იყო, აქაც მშობლებზეა დამოკიდებული თუ როგორ შეუნარჩუნებენ ენას ისრაელში დაბადებულ თაობას. პოეტმა ნანა დავარმა, მისთვის ჩვეული გრძობით გაჟღერებული ლექსები წაიკითხა, რითიც უმღერა ორ სამშობლოს. ქალ. ლილი კრიხელმაც წაიკითხა თავისი ლექსები. სიტყვებით გამოვიდნენ ქალ. ზიზი მაფთოშვიდი და ციალა იოსებაშვილი. ყველამ აღფრთოვანებით მიიღო ქართული ენის შემსწავლელი ჯგუფის დაარსება ქ. ლოდის ქართულ

სახლში და ლია კარის დღე 12 მაისისთვის არის დაგამილი. ისრაელში საქართველოს საელჩოს თხოვნით, საქართველოს საგარეო საქმეთა სამინისტრომ უზრუნველყო საკვირაო სკოლა გოგებაშვილის „დედა ენის“ სახელმძღვანელოებითა და სხვა სასწავლო წიგნებით. პირელი და საკმაოდ სერიოზული ნაბიჯები უკვე გადაიდგა და ისლა დაგვრჩენია შემდგომი წარმატებები ვუსურვოთ „მამულსა“ და ქართული კულტურის ცენტრს.

დიდი მწუხარება და ტკივილით გამოიწვია

სიმონ ჯანაშვილის
 უდროოდ გარდაცვალებამ.
 სიმონ ჯანაშვილი და მისი მამა-პაპა ახალციხის ებრაელობის თვალსაჩინო ოჯახებს ქმნიდნენ და ქმნიან.
 ბ-ნი სიმონი, მისი ვაჟი და ოჯახი აქტიურად არიან ჩამბული დღევანდელი საქართველოში დარჩენილი ებრაელობის საკეთილდღეო საქმიანობაში.
 ახალციხიდან ისრაელში ამოსული ებრაელობის ნათესავების, მეგობრების, ამხანაგებისა და ახლობლების სახელით: აშდოდი, ხულონ-ბათ იამი, ორ იეუდა, იერუსალიმი, კირიათ ათა და მოცკინი მწუხარებას გამოვთქვამთ და თანავუგრძნობთ მის მეუღლეს ქ-ნ ნაირას, ვაჟს იკას და რძალს, შვილებს და შვილიშვილებს.
 ზიხრო იჰიე ბარუხ!

მენახემ ელაზარი (აკოშვილი)



გაზეთ „მენორას“ რედაქცია იუნყება, ისრაელში, ქ. ბეერ შევაში

ქ-ნი ლეა გაგულას (გაგულაშვილის)
 გარდაცვალებას და თანავგრძნობას უცხადებს განსვენებულის მეუღლეს — რაბი აბრამ გაგულაშვილს, შვილებს: იაკობ და იცხაკ გაგულაშვილებს (გაგულათ).
 დაინტერესებულ მკითხველს აქვე ვაუწყებთ, რომ ქ-ნი ლეას გარდაცვალების ოცდამეათე დღის ცერემონიალი გაიმართება 30 მაისს ქ. ბეერ შევაში (შეკრება: ბეერ შევაში, ვვენ ეზრას ქუჩა 63).

